



01928

甫風清籟集卷二十

仁和

陳兆崙

錢唐

金

姓兩叔

里中後學鄭王臣慎人一字蘭陔輯選

南平官志涵靜夫校閱

明十三

周 鯤 五首

字少魚號章崑宣子嘉靖戊戌進士官江西  
使有章林巖藏藁

甫風清籟集卷二十

蘭陔詩話章崑以辨冤獄忤權貴罷歸隱章林山中解衣簿冠從兩奚童策蹇衛蹕躡道中望之不知為貴人精染翰片號寸縑人爭珍之詩亦饒風致

客中次俞三石韻

迢迢家千里棲遲鳥一枝。朋交稀足跡誰與話情秘鏡  
戀風前鬢花迎雨後詩恰來珠玉既念子信溫其

病起

世難逢多病年。饑倍隱憂三旬長閉戶。五月尚披裘。戍  
鼓催城夜烽烟失麥秋。有懷襲渤海兵甲散春疇。時有

秋日郊居有懷柯水部內兄



郊園雨過。柝風微。搖首江雲。逗夕暉。乳燕。翻花。露濕。  
浴。鳧。一。去。渚。烟。霏。吟。成。瑤。草。情。何。寄。詞。入。朱。絃。識。轉。稀。  
明月碧梧。送夜夢。幾回。問訊。是君非。  
無聊江上。懷人處。隨意風前。曳屣行。莎徑。浮烟。哀鶴下。  
滄波。日照。白鷗明。荷衣短。弄潺湲。碧茗盃。香分沆瀣清。  
未向芳洲共客。與紫蘅。青杜若。為情。

即景回文

紗窓。映碧嫩。槐芳。蝶夢回。風輕。簾涼。斜日遠。林歸鳥急。  
花軒。一榻。靜。爐香。

普風清籟集卷二十

二

俞維屏一首

字樹德。號孚齋。嘉靖戊戌進士。授刑部主事。歷

官貴州右布政使。

蘭陔詩話。孚齋清介。嚴明。降叛寇。抑巨璫。所在  
俱著能聲。詩少流傳錄一首。以存豹斑。

遊西冲寺

樵歌移近隴。鳥語度平林。地僻孤雲隱。僧閒古院陰。  
清溪。澄。兔。魄。虛。閣。送。鯨。音。忽。動。悲。秋。思。邨。蟻。蟀。吟。

黃懋官二首

字君辯。號霖原。希護子。嘉靖戊戌進士。授禮部

主事改吏部歷文選郎中太僕卿順天府尹晉

南京戶部侍郎苑于兵變

林懋揚云諫嘗居公督糧署見日以簿言

為事察，毫末因言大臣持重不應如此公云非樂為此也今倉庾且乏脫中之變誰其當之而公卒以此遇害若以逆知之者詩亦有意致惜不得覽其全稿耳

蘭咳詩話霖原歷官以明敏稱林念堂為作傳云清流見之如春日濁流見之如秋霜識者擬謂趙廣漢念堂賢者其言足以傳信矣文集因兵變不傳僅從華毓秀集錄得二律

入仙邑不值王尹作

名鄉山水自仙洲。昔日仙靈此地遊。犬吠白雲茅舍寂。鳥啼青靄竹林幽。清風喜有王喬尹。玄覽慚非叔度儔。

昔風清巖集卷二

茲夕無緣陪笑語。令人惆悵河陽樓。

雨泛九曲忽霽欣然成咏

雨過峯巒翠欲流。風吹落葉碧潭秋。棹回溪曲通孤嶂。樹擁山堂出小洲。白鶴青牛人已遠。金龍玉簡跡還留。分明自有尋真路。大藥何須海上求。

此詩與蒲陽全書稍異

張乘壺 一首

字國鎮號八峯嘉靖戊戌進士歷官太僕少卿

蘭咳詩話八峯在諫垣日侃侃不阿陶仲文以禱雨封恭誠伯八峯請追還成命又上籌邊策畧皆中機宜後以忤嚴分宜罷僅存此詩亦疏畧有古氣

過楊文敏公塋

豐樂橋前擁紫雲。路人指視太師墳。不為子姓干恩澤。力與鄉邦寢運軍。國有三楊祠社稷。門無一字表元勳。高賢去矣餘封土。落葉蕭蕭日近曛。

方國佐 一首

字君英號涵齋嘉靖戊戌進士

枕石

延眸林木翳。欹枕石頭斜。鳥畏驚人夢。輕飛墮落花。

陳應魁 六首

昔風清籟集卷二十

四

字字元嘉。請戊戌進士官。浙江副使。有梅山詩

稿

蘭陵詩話梅山北角登第攝嘉湖兵備日大破倭寇獲甲首三千以忤趙文華罷歸其詩亦爽朗

雨

殷雷聲動茫。雨脚垂海風。吹又斷。山日澹。無姿遠。浦歸颿駛。孤村去鳥遲。所思枯旱急。稍得慰農苗。

八月十日先帝萬壽有感

蓬萊宮闕五雲開。北斗低臨霄漢回。玉几不聞天上詔。

金莖誰賜露中杯。侍臣還有相如渴。詞客慚無宋玉才。  
憶昔鼎湖弓劍遠。千秋遺令使人哀。

渡江

好去乘遊興。復催東風吹雨暗。難開那知落。天涯客。  
更向茫茫海上來。無端草色迷人綠。不盡江聲逐雁哀。  
日暮愁看吟欲絕。鷓鴣又上越王臺。

灌園

混迹牛羊徑。全身金馬門。何如於陵子。寂寞守空園。  
結廬當市門。終日見華軒。但念張仲蔚。青蒿滿中園。

昔風清籟集卷二十

五

巫山辭

陽臺零落楚江分。東望蒼梧不見雲。惟有黃陵廟裏竹。  
至今猶在沅湘濱。

黃洪崑

六首

字協恭。號翠巖。嘉靖戊戌進士官江西兵備副使。有瞻雲集。

喜陽和挽至和繁峙壁間韻

春寒草還枯。邊騎候新月。言從滴水崖。戈戟絲白雪。悲  
始作秋聲戰。哭多新骨桓。漢將軍旄頭坐消滅。秦凱

入明光。露布下金闕。行續出車篇。燕喜待明發。  
潤州招隱寺

招隱何年寺。傳燈此日來。慈雲籠寶樹。佛日照香臺。鰲  
擁青山出。濤驅白雪迴。傷心梁殿月。猶照讀書臺。

送陳肖鶴臺長擢松藩兵憲

十年鳴珮同蘭省。此日停杯惜別離。豺虎曾迴桓。典馬  
風雲遙指武侯祠。金城迤邐開秦界。玉壘峻增勒漢碑。  
更有澄清先業在。聞歌蜀道不須悲。

龍虎山上清宮

首風清巖集卷二十

六

霖陽臺館鑱層雲。縹緲鸞驂世界分。岩岫下看三楚盡。  
笙歌近接九天聞。古壇梅柳猶春色。陰洞樞衡有秘文。  
芝草滿山如可採。藥爐我欲訪茅君。

送胡龍江歸浙

路岐看不盡。木落雁飛遙。別後相思夢。秋江幾暮潮。  
月下有懷

旅館春心切。江城別望賒。可憐今夜月。偏照故園花。

林萬潮

九首

字養晦號石樓富子嘉靖戊戌進士官贛州推

官有贛州集

馮汝言云石樓詩格調意與俱佳然皆是自己胸臆語

南山漫興

長風吹靡蕪。流雲明汀洲。幽鳥飛參差。賓鴻鳴相求。滄  
溟生洪濤。澄川迥清秋。言懷安期生。相將遊崑邱。五平  
杲日上若木。白鳥下遠渚。竹塢翠欲滴。石洞夏不暑。涉  
澗采紫蕨。倒缶酌綠醕。弱水不可度。寤寐望玉女。五仄

題友人木蘭別業

長薄蒼烟積。平津秋水生。飄然川上客。倍有古人情。遊  
擬嵇中散。詩傳阮步兵。閒來饒逸夢。不到鳳凰城。

昔風清籟集卷二十

晚秋簡鄭子

庭樹何蕭瑟。涼風倍灑然。斷鴻雲外度。新月霧中懸。谷  
口懷真侶。濠梁感昔賢。惟應桑落酒。同對菊花天。

卧病

卧病長安驚歲時。冥冥天畔迥生悲。歸心長憶三江水。  
壯志空懸五嶽詩。萬里烟波憐白雁。一春風雨怨黃鸝。  
尋真問藥無窮思。何日扁舟入武夷。

送何君謨之大梁

東風嫋嫋動青莎。司馬遊梁意若何。南陌傷離空對劍。

中原懷古獨悲歌。一帆淮浦晴雲細。三月黃河春水多。  
不識嵩陽山下路。年來詞客幾人過。

寄陳少峯

燕子磯頭秋水生。鳳凰臺上暮雲平。吳歌時聽關山曲。  
越客能忘海國情。蘿月冥，迷遠道。星河渺，擁神京。  
相思一夜令人老。愁絕空林鷓鴣聲。

宮詞

厚火龍興望裏賒。昭陽宮殿隔朱霞。獨憐簾外春光老。  
盡却舊薇一院花。

昔風清籟集卷二十

香銷寶鴨漏聲遲。萬種芳情欲語誰。倚遍雕闌春寂寂。  
月明初上杏花枝。

黃兆亨 一首

字謙夫嘉靖丁酉鄉薦官順州知州

暮春感懷

春事已無幾。山城獨掩扉。鶯老聲初懶。花疎綠漸肥。節  
序驚流水。年華怨落暉。不堪衰鬢改。寥落故人稀。

吳紳 一首

字克服希由于嘉靖丁酉鄉薦官常州通判

蘭陔詩話克服以忤趙文華投牒歸諱學風山  
從遊甚衆著有易通志學錄行世詩非斬斤

游九鯉湖

朝尋王喬履。暮叩列子風。如何丹竈在。竈寒丹已空。世  
人昧玄理。欲向夢中逢。誰知仙子近。不在白雲東。

陳自然 一首

字明本嘉靖丁酉鄉薦官四會知縣

夜泛蓮塘

一鏡荷花數點螢。淨天明月滿沙汀。橫吹龍笛蒹葭外。  
縱是歸雲亦暫停。

莆風清籟集卷二

九

鄭 鏊 二首

字亦鼎嘉靖丁酉鄉薦官南京戶部員外有閒

居集

蘭陔詩話公詩名籍甚集燬于火僅存二律  
有唐人風骨

病起言懷二首

曉起繞前除。池花已盡舒。年華愁裡過。鬢髮病中疎。  
憤空談劍捷。忘已廢書。妖氛何日淨。高枕白雲居。  
年來不稱意。况復病相仍。驚夢城頭角。停餐雨後蠅。逢  
迎應謝客。踈嬾欲依僧。何似少年日。艱危氣益增。

林應箕 十二首

字輝南號石海嘉靖戊戌進士授行人司行人  
陞京畿道御史巡按雲南建言請判六安州累  
遷湖廣叅議有百一詩稿

登蘓門山

蘇門此日伴微官。水院停軺五月寒。泉湧沙金通海島。  
派分河朔入雲端。塵中拂劍驚裘弊。病後憂時覺帶寬。  
獨坐孤亭嗟望久。日移松影到欄干。

昔風清籟集卷二十

十

山邑地偏俗輟稀。漫遊匹馬入巖扉。風清池淨雙鷗下。  
日暮松深一鶴歸。多病却欣朋侶絕。迂踈自笑宦情微。  
登高忽憶鳳凰調。徙倚荒臺一振衣。

秋日遊華山寺

井梧露落又驚秋。有分淒涼物外遊。故園肥魚飛夢繞。  
名山孤榻野情幽。未將菡萏樽前訝。還把茱萸醉後收。  
莫向山僧談世界。片心已被白雲留。

葵花

葉剪湘羅碧。花開粟玉黃。蓬蒿是處發。憐汝獨傾陽。

瑞香

細蕊含深紫。叢苞坼異香。酒醒人散後。風遙滿虛堂。  
蘭花

幽花茁深岩。芳風散餘馥。采之贈所思。美人在空谷。  
薔薇

露溼霞綉重。顏舒笑靨紅。玉環初賜酒。扶醉拚春宮。  
海棠

春色平分日。花期到海棠。夜歸宮漏靜。銀燭照迴廊。  
楝花

一春連病酒。三候楝花風。興盡詩無力。愁來醉有功。

首風清籟集卷二

紅石榴

深庭邃館鑱春風。濃綠千枝幾點紅。裊舞腰香不斂。  
動人春色翠容中。

白石榴

素質亭。枉自竒。飛葩散馥獨開遲。玉容寂寞誰相問。  
惆悵春風已後期。

梨花

滿院梨花春雨餘。一枝斜度綠牕虛。香心暗逐東風落。  
飛入鴛幃妾不如。

林文豪 七首

字君駿嘉靖中歲貢生官榮所教授有醒心亭

漫藁

蘭陔詩話君駿博學強記年近百齡猶與黃亨  
夫鄭士元昌廷佐諸公結社唱酬詩亦雅健不  
失唐人風格

懷方三戶部

萬里蒼梧客。童年憶并驅。風塵不楚越。離恨滿江湖。望岳詩應秀。浮湘思不孤。春風有芳芷。何得慰潛夫。

贈鐔州黃文學

昔風清籟集卷二十

十二

昔別猶在眼。今來各問年。時名看白髮。宦業嘆青氈。匣有延津劍。家無負郭田。春風吹帶州。共訂太玄篇。

黃大刺史席上賦贈

當年蠻府任風煙。晚向江關秀句傳。戶對青山凌碧漢。橋通新水濯紅蓮。坐中揔是逃名客。囊裏猶餘賞酒錢。避暑真同河朔飲。風流不減昔人賢。

過木綿庵

獨客驅車度越關。逢人解說木綿間。支離不盡乾坤恨。竄逐何言道路艱。白日有顏過劍水。黃龍無地借岷山。

千秋萬嶺。須臾事。蟋蟀西風。野草斑斑。

贈盧文學歸沛上

旗亭別思動驪駒。酒綠山青把袂初。此去登臺看戲馬。諸生何地望斲魚。路經淮海濤初壯。天入青徐柳欲舒。多少風塵車馬客。幾人解傍子雲居。

過海珠寺

江天仙梵起。海日尼珠懸。招隱何年寺。投荒萬里船。

塞下曲

封書欲寄泪潺湲。回首家鄉何處山。日暮沙迷青草塚。

昔風清籟集卷二十一

月明雁度紫荆關。

徐觀瀾

四首

字道本嘉靖庚子鄉薦官南京戶部郎中有壽

泉集

蘭陔詩話道本文筆矯健詩亦俊爽嘗於病中自作挽歌云偶寄人間世全歸物外鄉又云日御終難挽夜臺掘是家可謂達生者矣

病起有懷亡友邱鳴周因柬黃亨夫方如初

李生懷謝眺吾黨讓邱遲為賞澄江練况憐漁父詞游蟲紛素帙高葉下空帷何日新阡上看題幼婦碑

光祿知何往。招魂竟不開。疑浮西海筏。突起北郊墳。  
花砌成。衰草。寶樓掩暮雲。有時乘月出。傳是九華君。

吊邱鳴周寺丞

西山舊路近何如。卧病三秋祇索居。白社雲深人去後。  
碧山松冷鶴巢初。樓臺終古懸塵榻。壠樹何年會素車。  
苔草青。羅雀徑。獨留詞客哭應徐。

寄懷戚元敬將軍

天北雁書久不傳。遙憐虎帳坐籌邊。別來轉甚步兵癯。  
夢裏時。到酒泉。

青風清竅集卷二十

十四

方輿邦 十二首

字懋潘嘉靖庚子鄉薦歷官廣西叅議有雷村

集

蘭陔詩話雷村長歌身氣縱橫在太白長吉之間近體師法杜陵亦泥著無弱調宜宗子相吳明卿諸公為之心折也

百花洲歌贈宗子相

長鯨噴海波。滅空。剗然元氣開。瀉滌。大江東走東海東。  
廣陵秋濤銜白虹。君家百花洲。恍惚似與大江通。君不見昔日揚州全盛時。蕃釐瓊花千萬枝。天摧地缺老君

苑蒼莽之間。誰識此帝遺。六丁移上紫宮太。東皇不為  
艷陽主。夜半化為雙玉龍。龍鱗散入芳洲樹。芳洲花樹  
堆紫烟。花底銀河瀉九天。芙蓉十丈藕如船。三江九澤  
根鈎連。赤如赤城霞。白如白壁鮮。赤霞白壁燿相照。蒼  
兕咆哮鼉鼉嘯。房櫳錯綺鈎珊瑚。蔥籠八面驚蓬壺。仰  
天擊缶呼鳥。鬼門日照胡為乎。有時雷雨中天起。香  
風散雲九萬里。月白烟啼露華泣。一夕染盡江南紫。  
十四橋。十二樓。至今不敢開。桃李嗟君豈是此花身。滄  
海維揚一俊人。詩成費盡長安紙。瓊芳破碎如有神。何  
時淬此雙龍之寶劍。與君脫屣辭紅塵。携天吳。訴天  
帝。扶桑珠樹推為薪。不然為君倒曳百花洲。盡使長江  
之水西北流。天門九重迴龍轡。手把芙蓉控僊驥。

河嶽篇贈張助甫

風驅大塊作山骨。平地倏忽萬山出。嵩山冥冥入紫閣。  
日月蔽虧天晝昏。席捲天河瀉四極。皎如金繩倒飛萬  
壑奔。雷聲隱隱。虓龍門。龍門三山佳氣鮮。巨靈噴箭射  
百川。老魚撒波山之巔。迴洑九折五十五萬里。然後秦  
塞通人煙。峭函天險開東都。嵩嶽降神河出圖。祖龍已

滅赤帝。祖河伯。獻璧山鬼呼。二百餘帝經。幾秋地維天。  
柱空悠。河清嶽秀總如此。卽君今年二十幾。吞吐河  
嶽氣。駭駢聲。名一日燕臺起。燕臺車馬多風塵。就中與  
君殊。衆人憶。昔十五二十時。逸氣稜。君豈知紅顏鳴  
箭走。紫陌頭。觸九關。跨白額。輕俠不顧五陵豪。睥睨寧  
作五陵客。祇今壯觀空。復爾烈士擊壺心。不已安得長  
綬。萬火繁。嵩山為君移。山塞河水河。可塞山。可移與君  
傾心。君不疑。君家南河南。我家東海東。東南萬里遙。相  
望勾芒角。九貫當中。元精飛入大明宮。黃金把贈大如  
斗。他年訪爾騎白龍。

青風清籟集卷二十

十六

慈仁寺重別孫四兄員外

昔年臨此地。杯酒與君期。怨別仍千里。重逢定幾時。岸  
明殘雪。斷山繞夕陽。邊獨上。毘盧望。蒼茫倍有思。

雨中同林繼暉出郭送戴朝賓

曉出帝城東。千山雨氣通。斷橋危度馬。背日急鯨白。  
露踈蘭佩。秋風散桂叢。何時同訪戴。竟日剡溪中。

得亨夫書

不見黃生久。干戈淚滿衣。天寒溫室樹。秋老故山薇。白

日雙魚至。青天獨鳥飛。江湖心欲折。非是厭輕肥。  
汝昔趨青瑣。龍鱗有諫書。世情難共棄。古道竟何如。武  
騎功名薄。文園歲月虛。不知風雨後。誰過夕郎廬。

歲晚

歲晚風煙動。頻驚羽檄來。三吳仍寇盜。萬井半蒿萊。不  
見謝安起。其如庾信哀。音書久蕭索。更上望鄉臺。

秋夕宴陳錦衣宅贈李考功子藩

搖落千秋淚。浮沉萬事捐。投珠無狗監。彈劍有龍泉。白  
滿潘郎鬢。玄嘲楊子篇。當杯空壯觀。肝膽向君前。

蕭風清籟集卷二十

十七

懷宗子相

苦憶揚州宗子相。兵戈消息竟何如。百花洲晚魚龍寂。  
鼓桂山空鸛鶴孤。漢殿焚香人獨去。燕臺擊筑歲將徂。  
長風萬里誰能馭。與爾同探赤水珠。

得宗子相書

尺素中宵慰索居。美人南國意何如。江淮殺氣昏牛斗。  
豺虎烽煙蹙羽書。天入蒹葭孤雁盡。味來風雨五陵疎。  
朱門鳴瑟誰知己。莫漫逢人賦子虛。

秋日登天壽山展視陵寢

永安山郭俯清都。步入康陵日未晡。象衛千年朝繡節。  
龍池九道瀉玄珠。月明露下芙蓉斲。天淨霜飛鶴鶴孤。  
八駿東巡傷往事。祇今父老泣蒼梧。

送唐職方荆川奉命視師

海上連營不解兵。君王親遣職方行。鯨鯢濤撼吳天盡。  
龍虎壇空漢月明。宇宙大名三策在。風雲壯觀百身輕。  
功成獨倚延陵劍。何處登臨望帝京。

林 芸 一首

字吾重嘉靖庚子鄉薦官歸安教諭

莆風清籟集卷二十

十六

蘭陵詩話吾重孤露喪貧事母至孝晚乘鐸  
安仿安定遺矩卒于官諸生為服喪與茅鹿門  
友善有集八卷鹿門序之惜已不存子孫僅藏  
感烏哺一詩其言有禪風教可擬南陔白華諸  
什不當以尋常格律論也

感烏哺

天屬感人心。惟物乃何知。胡然無知者。獨有至性奇。不  
見林中鳥。依棲少暫離。念出阿母腹。恩勤更閔斯。吐液  
眼出血。哺子無不為。啣鯨野田粟。子飽甘自飢。漸喜羽  
毛滿。非無遠舉思。念母誰將養。矧當氣力疲。忝離稷亦  
實。空想野田垂。昔我歎。待諒難自取。攜感此亟反哺。

詎足報恩施。朝採樂浪稻。暮採瓊田芝。慇懃奉阿母。如  
餐願莫辭。但求稍稱職。天理庶不欺。見此五內結。余願  
深忸怩。彼物重至性。奉養不少虧。吁嗟世間人。何乃泯  
民彝。

李長盛

一首

字宗裕嘉靖辛丑進士官沔陽知州

錦田驛贈沔陽門人蕭繼美

繼美時  
幸惠安

酒綠鐙紅此對君。郢中白雪座中聞。風塵別思寒花暮。  
江漢愁心落葉紛。自信嵇生終傲世。誰憐蕭統舊能文。

黃風清藪集卷二十

十九

勞：客計何蕭索。詠去青山拾桂芬。

林

議

一首

字邦直號少溪嘉靖辛丑進士官贛榆知縣

發羊原

淑氣初陽月。嚴裝芋水中。舟從沙浦出。花近驛亭紅。客  
路多瞻北。江流獨向東。故山在何許。惆悵望歸鴻。

莆風清籟集卷二十一

仁和沈廷芳椒園

叅訂

安溪李清載積齋

里中後學鄭王臣慎人一字蘭輯選

同里葉修敬上校閱

明十四

余一鵬四首

字朝舉號天池瓚子嘉靖甲辰進士官廣西按

察僉事

莆風清籟集卷二十一

大田耕叟

繞溪如鱗次。平曠交數頃。篔簹烟霞俱。身世羲皇并。只見桑麻陰。寧有雞犬警。夜來風雨多。晨興發深省。

送郡博後塘先生遷藩教

江清露白雁橫秋。短劔長亭賦遠遊。贈別何人青玉案。風塵為客黑貂裘。長空勁翮從高舉。行篋殘經可自謀。聞道河間興雅樂。好將瑤瑟向人投。

九日林太史宅對菊

蕭瑟金風上玉枝。美人招飲到東籬。亭高葉搖蘿

舟之輕香度酒卮。鄉思忽驚秋色老。壯心不逐鬢毛衰。  
江楓岸柳俱零落。遲暮相將乃爾為。

謝招著社用大司空礪峯韻

萬點蒼山列翠帷。岩居閨寂日舒遲。夢迷槐國鶯呼醒。  
丹轉山房鶴報知。刺水芰荷闌樂事。洗天雷雨入新詩。  
餘生耳目安虛靜。手汲華泉當舉卮。

邱秉文 十首

字鳴周嘉靖甲辰進士授永嘉知縣擢刑部主  
事遷光祿寺丞有州峯集

黃風清籟集卷二十一

二

蘭陵詩話州峯在刑曹時楊椒山以劾嚴嵩繫  
獄高翰西曹即折辱之爭希指求媚州峯獨持  
具橐體才傷遇楊病輒伴為已病合藥與之後  
為嚴世蕃所劾罷歸日以吟詠為樂其詩亦俊  
爽無迫促之態

雨中訪林南寧對酌有懷徐戶部

徐陵高興發。得句失陰何。已辨尋山屐。能揮却日戈。物  
情花外少。春色雨中多。玄草亭成後。時聞載酒過。

誦吳明卿給舍贈別黃亨夫詩悵然有懷

起草名方籍。擢蘭衆已疑。窺身鸚鵡賦。塌翼鳳凰池。宣  
室徒延佇。台州豈量移。刀頭時把視。腸斷楚江湄。

攬鏡

少年負跌蕩。嘲笑歷公卿。俠氣秦庭劍。雄心漢闕纓。顏  
延非不遇。李廣竟何成。鏡裡三千丈。惟餘白髮明。

立秋

素女辰方屆。朱明節已非。迎寒孤雁度。泛夜一螢飛。大  
火流西陸。明輝鑒薄帷。人生貴適志。張翰早知機。

病中走筆訊鄭大員外

吾衰不覺甚。爾病亦經旬。賢聖愁中物。風煙夢裏人。北  
窓時隱几。東海罷垂綸。何處饒芝朮。相携訪隱淪。

昔風清籟集卷二十一

三

人日集黃給事宅

虛堂人日敞初筵。彩勝金花又歲年。病起出門新柳色。  
客來携手落梅天。髻毛忽有潘郎嘆。春草還題謝監篇。  
與汝相看情不淺。幽期何惜甕頭眠。

懷方君敬員外

爾從扶侍下荆門。明月千山響夜猿。秋盡蒼梧悲帝子。  
春來芳草憶王孫。望中北海樽常滿。牀上南華帙幾翻。  
司馬祇今消渴甚。誰憐詞賦滯文園。

曉發芋原簡亨夫給事

江初日向波明。雲白山青遠。樹平滄海乘槎。吾道在  
中流。擊楫壯心驚。十年去國愁戎馬。萬里懷人采杜蘅。  
聞道清時多放逐。武陵樵客不勝情。

屏山寺中簡吳明卿使君

禪闌靈氣護雙龍。為傍醫王失病容。謾道玄經今日草。  
徒勞祿米故人供。

帆影長天霧雨垂。歸心一夜滿蘭陂。秋風為報彫菰熟。  
採向江鴻未啜時。

鄭聰一首

首風清籟集卷二十一

字亦石嘉靖中諸生

苕溪書舍

入林豈厭深。幽僻絕人迹。朝起采紫芝。暮來煮白石。山  
雲自縱橫。片片落几席。浩歌招隱篇。遺世成獨立。

吳階二首

字升伯嘉靖丙午鄉薦官太湖知縣

青陽道中阻雨

四野蒸雲合。半溪度雨斜。泥深愁去騎。日暮阻歸雅。橋  
斷疑無路。山迴忽有家。悠然呼獨酌。莫問酒錢賒。

浦口別四樓兼寄少麓年兄

遷客愁聞度雁聲。仙舟渺々趣行程。無邊淮浦東分水。  
不盡匡山西去情。後夜共看何處月。天涯同作未隸人。  
侯生好向夷門隱。漢主還須召馬卿。

陳所傳一首

字未詳嘉靖中諸生

九鯉湖

捫蘿躋石磴。言訪赤松家。澗長金光草。山飛玉乳花。魚  
書留斷碣。鳥道上殘霞。檢點長生訣。因之度歲華。

肯風清籟集卷二十一

五

陳所有

十首

字彥冲號四樓嘉靖丙午鄉薦授合浦知縣有

秉燭堂集

蘭陵詩話四樓草書有劍拔弩張之勢高自矜  
許孫御史慎嘗薦之疏中有詩唐字晉尤微曠  
世之才語四樓感遇詩云翁公許我鍾王筆孫  
公稱我高岑詩薦書一入金鑿殿從此琅玕價  
不賤翁公乃兵部尚書餘姚翁大立也後作令  
合浦直指慕其名出素練索書四樓竟不署名  
惟署別號許直指意遂賦歸其詩如山鎔草香  
初帶雨河橋柳綠曉含煙簫聲遠近滄波裏樹  
色微茫細雨中一聲孤篴空中月幾點明霞江  
上山芝草自生幽洞裏梅花多在小橋南皆佳  
句也

巫山高

萬古瞿塘水。滌洄十二山。遠吞全蜀外。高插碧霄間。猿  
叫腸堪斷。葉飛鬢又斑。陽臺雲雨路。秋至幾人還。

登東山樓聽松濤

玉露丹楓已盡凋。滿林松葉亂蕭蕭。侶聳巫峽三春水。  
疑湧錢塘半夜潮。虛閣此時羅襖冷。長江何處錦帆飄。  
砧聲未許遊人聽。誰坐空山不寂寥。

登黃鶴樓

九疑山遠煞烟平。秋半風濤日夜聲。唱晚漁舟夏口渡。  
隔江燈火漢陽城。懷人千里雲鴻斷。作客三湘雪鬢生。  
此地不堪頻極目。月明何處又吹笙。

蒲風清籟集卷二十一

六

南昌舟中懷舍弟

恹却西江舴舻舟。無端隨水向東流。秋風雙鬢朔蒲岳。  
落葉千山憶子由。藪蘓他鄉誰對酒。寒雲海國獨登樓。  
月明更有衡廬雁。一一南飛倍客愁。

洞庭秋晚携客泛舟

巴陵南望即天涯。秋水茫茫盡葦花。欲賦湘靈調錦瑟。  
滿隨江客上星槎。空洲早雁團青草。極浦殘陽射赤沙。

一曲棹歌聽款乃，五湖煙樹是君家。

九日陳刺史招飲躑來園得高字

為愛杜陵秋興豪，北郊池館接東臯。古松月上泉聲冷，  
虛檻風來笛韻高。湖海壯懷消馬勒，山林清夢落魚舫。  
重陽佳節休教負，醉領黃花插二毛。

草堂

草堂在西林，露頂避溽暑。客來剝啄聲，葛巾不知處。

詩綜節四句

鷓鴣洲

青風清籟集卷二十一

七

江草萋萋江水平，隴山踈去似無情。綠衣紅嘴能言語，  
不向曹瞞說禰生。

秉燭堂示園丁

金谷名花百不如，山人編性合蕭疎。相知惟有芭蕉好，  
詩欲成時葉便舒。

弔錢娥

千頃怒濤整便東，錢城事業恣成空。精魂化作杜鵑樹，

一度春啼一度紅。莆田占多斥鹵潮汝衝漫宋沿平元

軍岩前浦成溪流橫波濫錢氏女携黃金如斗來築坡于將  
築坡于溫泉水口亦據熙寧八年候官長者李宏應詔

至與神僧馮智日挿竹定基在錢林二陵上下間波成  
百世顏之

### 林炳章 七首

字名世號懷蘭嘉靖丙午鄉薦官大理寺正有

#### 寵榮堂稿

蘭陵詩話懷蘭少喜為豪舉鄉試甫竣輒大署  
主家門曰購元卷者跡此門先抵粥冠家購  
雲冠抵粥蓋家購重簷翠蓋人皆竊笑之  
報至冠凌雲張翠蓋出觀者遙指曰此非昨日  
跳梁者耶更相與噴唾美顧以不得第一為  
恨在官日負氣凌人人多忌之性好讀書至老  
不倦歐希稷稱其詩出入正變冲澹悲壯超  
時輩

### 苦雨

黃風清籟集卷二十一

苦雨連三月離家已一年  
傍人修草舍訪客借蒲韉  
剝得趨朝米長負祖道錢  
共言消息好蕭索太堪憐

### 秋思

萬里傷心客逢秋更作悲  
飛鴻寒帶影落葉舞辭枝  
鄉國憐騷動親朋想化離  
戒嚴消息斷雙鬢覺如絲

### 冬日駕部汪龍菽招游朱亭

出郭無多路林臯愜勝遊  
垂楊將挿地淺水半沉舟  
天意寒猶薄山光翠欲流  
不須尋方外即此是丹邱

### 七夕

秋院沉。月半斜。天河如水浸煙霞。香車欲渡橋猶杳。  
青鳥西來事。搃賒旅夢感時還。故里客身依舊滯天涇。  
對君不用憐寂寞。且盡芳尊戀物華。

偶感

平生壯志已蹉跎。暗數行年四十過。流落兒儕千里至。  
艱難衣食一身多。黃巾未滅家何在。白髮無媒髻已皤。  
粗糲且憑升斗祿。休將彈鋏向人歌。

東阿道中謁黃石公祠

駐馬柯亭下。焚香黃石祠。兵書如有在。早遣戍邊知。

黃風清籟集卷二十一

九

廖田舖

黃昏騎馬過郊坳。山路生輝剩數星。夜靜千村無吠犬。  
棠花到處逐人青。

陳知玄

二首

字本虞號春澤嘉靖中諸生

蘭陵詩結春澤春河里。中無復知其姓名者。詩  
俱見穆敬甫明詩選中。其讀穆石二公詩作謂  
穆敬甫文。熙石拱辰星也。

龍泉寺觀音殿重新再過贈淨空上人

寺在滁州

一別龍泉動隔年。重來世界更堪憐。空中寶霧香煙裊。

淨裡金光佛。日懸花落柏潭龍。作兩風吟樹。樹虎赤禪。  
山僧邀我談玄妙。修竹芳蓮許結緣。

讀穆石二公詩有懷

旅館秋深枕篔簹。獨將秀句倚燈看。月明子夜千山白。  
霜染吳楓萬樹丹。隻劍光芒行嶺曲。二龍風雨瀉潭干。  
已從海內探詞品。自有中原大將壇。

宋曰仁 一首

字思表號少宅嘉靖丁未進士官南京戶部主

事

蒲風清籟集卷二十一

十

出都門

江天入秋氣。雲樹澹然清。扁舟汎蒼流。漂泊依孤城。前  
村接遠水。野火時復明。起視夜何其。寥寥星漢橫。反側  
候天旦。晨雞不肯鳴。

鄭東白 十首

字叔曉號少棠嘉靖丁未進士歷官廣東按察

僉事

蘭陵詩話公居家以孝友稱其詩氣體高華音  
節嘹亮位置當在歷下婁水之間

寒食行

寒食杜陵花灼灼。西風一夜楊花落。郊原芳草自青。  
暮雨蕭蕭。春寂寞。北邙山下多古墳。重泉慟哭不相聞。  
有酒澆土。誰能飲山前。山後空。白雲白雲。歲歲青山度。  
鏡裏朱顏。嗟非故。糟邱百丈君可登。擊父逐日徒自慢。

楓橋夜泊

蕭瑟侵暮色。江上往來頻。殘月有孤雁。寒燈無一人。烟  
波萬里棹。貧病百年身。中夜聞漁父。滄洲結比鄰。

釣舟

空亭千葉下。落日五湖秋。白噴携尊酒。滄波坐釣舟。鐘  
聲山外寺。樹色水邊樓。吾愛臨臧子。浮家汗漫遊。

蒲風清籟集卷二十一

二

獨酌有懷

不必論身世。高陽一酒徒。岩居甘鹿豕。浪跡傲江湖。華  
髮時名拙。青樽客病蘓。木蘭二三子。何處問當壚。

別汪伯玉還新安

謝玄能破敵。元亮忽辭官。踈路黃花近。趨庭白首歡。秀  
攬新安月。芳留幽谷蘭。遙知明主意。未許卧東山。

春興

高樓一望接冥濛。南國芳菲四野同。萬井烟光浮草樹。

三山蜃氣射簾櫳。天晴鳥下平蕪裏。溪淨花明落照中。  
寂寞凭欄無一事。祇須吟詠答東風。

當年飛舄赤松溪。花滿河陽鷺亂啼。伐鼓行田春社裏。  
題詩看竹午橋西。雙龍烟雨洞天迥。八詠樓臺江月低。  
今日木蘭芳草路。獨騎款段任衝泥。

萬里長安春色同。昆明池上水溶溶。雲開法駕迴雙鳳。  
日出仙人馭六龍。香氣暗浮長樂樹。珮聲遙帶景陽鐘。  
風烟迢遞青天外。知在瀛洲第幾重。

春風二月四郊陰。乘興高樓特一臨。夾岬桃花空照眼。  
孤城戰角幾沾襟。東南赤子徵輸日。西北朝廷宵旰心。  
何處草廬堪寄傲。暮天梁甫只長吟。

九日同周水部陳民部登臺

九日尋花未開與君同上御風臺。一隻白鳥雲間下。  
萬里黃河天上來。令節舉杯俱酩酊。他鄉聚首且徘徊。  
江南回首紅塵起。滄海樓船畫角哀。

宋文漢一首

字章卿嘉靖丁未進士官戶科給事中

二十年前此朶遊。懸崖枯木舊丹邱。梅依古洞巢歸鶴。  
石捲珠簾起暮鷗。龍虎島中忘藥物。山河碁上幾春秋。  
瀑雷喧夜難成夢。小立看雲獨倚樓。

俞大有 一首

字承謙號台峰嘉靖丙午鄉薦官池州同知

和孚齋兄遊西冲寺韻

見說西冲寺。山空竹滿林。雲連千嶂白。鳥下一溪陰。何  
日携幽侶。同來叩法音。探竒情不極。眺望發孤吟。

陳翰 二首

蒲風清籟集卷二十一

十三

字世鳴琳子嘉靖中太學生官光祿署丞有少

峰集

謁文信國祠

禾黍離々伴薜莎。故宮寂寞忍重過。西山并讀清風傳。  
燕市誰傳薤露歌。今古大忠青史在。乾坤遺業赤心多。  
將星夜隕原天意。諸葛其如漢祚何。

遊靈濟宮兼望西苑

靈濟仙宮洞壑幽。笑看人世有丹邱。蓬萊雲統朝疑雨。  
苑。風迴夜送秋。日月浮光依帝座。乾坤佳氣集宸遊。

閒來引首瞻天處。五采龍文纔未收。

鄭應南 三首

字君傳嘉靖中布衣有濱源詩集

閒居

餘生堪偃息。福性謝交遊。卧起雲生榻。吟成月在樓。為  
農谷口僻。抱甕漢陰秋。亦是忘機者。何妨海上鷗。

送余宗漢遊楚中

嶽雲夢澤帶滄溟。來往無期水上萍。醉裏銜杯呼白墮。  
花前伸紙搦黃庭。清時傲吏非凡吏。入夜郎星即客星。  
預報湘靈休鼓瑟。曲終不耐數峯青。

首風清籟集卷二十一

十四

翠漪亭為姪士元題

東山高卧遂心期。踞沼為園况此時。憶得鏡湖歸。笠  
至今湖水尚漣漪。

卓中立 一首

字居方嘉靖中布衣

過華嚴廢寺

龍橋近午入華嚴。春草萋萋覆水簾。莫向禪宮嘆蒲歇。  
兵戈誰復問閭閻。

高梯一首

字端夫號西邨嘉靖中諸生有荔池舒嘯集  
題友人小築

小築依山麓。虛亭傍水滄。簾前波蕩漾。檻外樹參差。石  
古連低屋。花繁護短籬。此中幽事足。高卧日裁詩。

林文鉞一首

字俊儀茂蓮子嘉靖中諸生有谿齋集

過蘭江次劉五清先生韵

忠魂不可覓。草色暗江蘭。流水一停棹。荒碑再拜看。風

黃風清籟集卷二十一

十五

清秋葉下江。晚客衣寒涕。淚浹當年事。相思欲廢餐。

方道南一首

字文獻號吾泉嘉靖中諸生

小西湖晚眺

緩步西湖曲。蕭々日暮天。梅峯含暝色。雉堞逼寒烟。歸  
鳥投林急。遊魚戲水鮮。物情都自適。吾意獨茫然。

首風清籟集卷二十二

安谿 李王鳴靖亭

同里 廖必琦愧荆

里中後學鄭王臣慎人一字蘭陔輯選

長泰 劉希周企濂 校閱

明十五

陳言 四首

字宜昌號石溪嘉靖丁未進士官南京刑部郎

中以子經邦贈吏部左侍郎有怡老堂稿

首風清籟集卷二十二

蘭陔詩話嘉靖中蓄有兩陳書一石溪郎中一豐山布衣石溪登第後豐山自稱蒲氓以別之

豐山集句真火龍翻瓶之手石溪湛深經術詩雖讓能豐山亦自莊重不佻

吊賈傅

去國遠宸扉。席前再召稀。有君終不遇。於世廼相違。卽闕年方少。投荒道豈非。浮湘亦有賦。千載重歎歎。

八分水關

誰識度關者。遙從天上還。雨聲吹九曲。雲氣下三山。農事占禽語。鄉書解客顏。孤舟明日下。高枕聽長灘。

壬戌阻寇三山上軍門游公

漲海遶天入晦冥。居人羈客總飄零。連營寇盜盡聲靈。  
萬骨川原雨氣腥。鼓角青山堅漢壁。衣冠白日哭燕庭。  
杜陵未卜歸何日。夜上登臺望將星。

過清江渡

楓葉蘆花兩岸秋。夕陽歸鳥亂鄉愁。寺僧報曉鳴清磬。  
野鶴從人上小舟。萬里浮雲天際樹。一江涼雨水邊樓。  
雁聲忽送秋聲至。霜雪明朝白滿頭。

陳

言二十三首

字于庭號默子。又號豐山鶴侶。嘉靖中布衣。

肯風清韻集卷二十二

二

有藝艸

林懋揚云山人早尚游俠既樂詞賦非開元以上不入其眼立辭謾意取格發

調皆通真初盛

蘭陵詩話錢牧齋序白雲詩云當爾瞻時甫又有陳山人吉以集句名鄉人寶之蓋知有言不知有昂久矣迄今百餘年來白雲之名籍人人口而豐山姓字里中無復有知之者詩集久已失傳予近得明林懋揚手錄豐山詩一帙古體氣韻沉雄近詩詞采清麗魏晉唐宋相益融化不徒以集句擅長已也

江南曲

卽披彩雲裘。蹀躞黃金馬。相逢紫陌頭。結意綠楊下。  
卽在越江頭。妾在楚江尾。思卽如江流。日夜千萬里。

解一

人生蹤跡亦如此。誰能跨飛雲。長嘯飛雲裏。相逢且醉  
金。屈。卮。聽。我。所。創。歌。短。辭。西。湖。臺。殿。翳。荒。州。雷。塘。荆。棘  
埋。殘。碑。由。來。富。貴。如。翻。手。百。千。萬。事。空。搔。首。羲。皇。不。復  
作。喬。松。果。何。有。君。不。見。陳。孟。公。一。生。嗜。酒。稱。英。雄。文。夫  
取。適。湏。大。酌。奚。必。往。悲。途。窮。撞。鐘。撻。鼓。吹。玉。遂。一。餉。  
懽。娛。莫。虛。擲。顏。陽。翁。霍。似。隙。駒。郿。塢。黃。金。總。何。益。

客愁二首

客愁驚歲莫。踪跡類飄蓬。三處存亡裏。孤身夢寐中。親  
朋殊地少。花鳥故鄉同。欲寄新愁泪。溪流不向東。

背風清籟集卷二十二

五

獨客誰相問。浮蹤只自憐。風烟催短髮。梅柳入新年。泪  
落猿聲外。心懸雁影前。美人關塞隔。消息轉茫然。

對月

風。靈。清。疑。墜。山。河。冷。欲。流。圓。光。晴。寂。素。影。夜。悠。數  
閣飛銀鏡。潛鱗避玉鈎。佳期猶萬里。空憶大刀頭。

旅夜

沙岸依孤泊。江村屬杪秋。斷雲兼雁宿。亂葉帶螢流。露  
薄蒹葭渚。霜清杜若洲。濁醪聊自遣。何處是鄉州。

秋暮宿天寧寺

旅宿依山寺。歸心折海潮。百年雙鬢短。多病一身遙。野  
岸丹楓下。沙洲白雁飄。羈懷如暮葉。入夜更蕭蕭。

### 懷徐子與

風流徐比部。別爾動經年。猶記談詩夜。曾同載酒船。塵  
埃消短髮。貧病傍烽烟。何處瞻鴻鵠。冥冥隔遠天。

### 九月八日東濱宅對菊有懷寒松

孤城寒菊傲晴霜。太守園籬傍草堂。千里此身猶是客。  
一年明日又重陽。丹楓欲下闕雲冷。白雁初飄海日黃。  
因憶去年携手伴。清尊何處醉花傍。

### 昔風清嶺集卷二十二

六

### 揚州懷古次程篁墩詹事韻

卧聞津鼓起新晴。山色超超隔岸橫。廢苑有基留寶刹。  
寢園無主傍孤城。垂楊日暮寒鴉起。破堞春深蔓草生。  
回首興亡何處問。棹歌聲裏不勝情。

### 清明日書懷

黃鳥翩。綠樹濃。忽驚節序歎飄蓬。江村日暮梨花雨。  
茅屋春寒燕子風。寂寞馬卿愁卧病。猖狂阮籍泣途窮。  
閩山粵岫渺何許。回首風塵夢寐中。

### 登多景樓

江頭樓樹鬱嵯峨。獨客登臨感慨多。三國兵戈空壁壘。  
六朝冠蓋盡邱阿。楚關烟樹雲邊斷。估客風帆鳥外過。  
倚徧層欄傷往事。夕陽漁唱起滄波。

香奩次張南湖韻

雲萍幾度對仙踪。作賦才高失士龍。碧海有心終悵望。  
紫霄無路更相逢。傷春空掩花前淚。怨別驚看鏡裏容。  
惟有多情歌舞月。長隨飛夢到巫峰。

九陌風花亂作團。一年芳事又闌珊。翠消麟帶香猶在。  
紅心鮫綉泪未乾。楊柳樓臺鶯語。遊蘿蕪簾幕雨聲寒。

蒲風清籟集卷二十二

七

錦鱗青羽無消息。無限幽情欲寄誰。

獨酌

兀坐茅堂下。獨酌對疎雨。孤村不見人。沙禽自來去。

月夜

獨坐空齋冷。悲歎淚滿巾。唯餘城上月。偏照異鄉人。

寄劉紱蘭

南客江城坐寂寥。玉人回首思迢迢。春風兩岸垂楊柳。  
疑是尊前舞細腰。

陳

昂三十一首

字爾瞻又字雲仲嘉靖中諸生有白雲先生集

宋比玉云白雲詩錯綜變化不可名言自謂得工部矣而未始無青蓮得右丞矣而未始無裴揚其間有初盛矣而何必不中晚皆李唐矣而何必不宋元他如郊島元白謠諑仙鬼無不鑪錘而出之以自滿其志乃其若吟險覓若號若突之狀于楮墨外更有可思焉林少威云萬曆己未清淵汪大年已選刻公詩於建安題曰織屨翁雲仲詩是見知公者不獨鍾伯敬也朱錫鬯云白雲詩師工部右丞可謂多師以為師者也

蘭陔詩話余家穀城山下黃石村白雲先生之故居在焉見時聞人談白雲遺事心甚慕之稍長讀白雲集竊怪其生平閱歷多與少陵相似然少陵獻賦明光備員侍從崔魏王李咸相引重入蜀時猶有故人可依縱酒嘯歌頗不寂寞白雲少困諸生至有陳大頭之柳榆後遭倭亂

蒲風清籟集卷二十二

率妻子奔豫章已而入蜀傭費於僧反自蜀流寓松滋公安巴陵間織屨易粟饔飧不給家後賣卜秦淮竟饑以死視少陵尤窮歿後伯敬茂之比玉諸人始輯其遺集以傳詩之能窮人固至是乎

途窮書憤

有書不得上行亂途途窮痛哭逢河洛徘徊笑華嵩漢朝疏賈誼隋代屈王通天問安能得溪山負二公

散愁

王粲何濡滯嚴遵強應酬下簾先讀易懷土一登樓素  
有履霜操今無禦雪裘人間純逆境侶與道為讐

垂白

垂白還多事。安能與世疎。家貧思寄食。歲暮且傭書。赤  
甲悲歌後。烏蠻瘴癘餘。干戈未偃息。萬里嘆吾廬。

暮春題灤西新賃草堂

却近千年勝。先尋五百弓。西山看大小。灤水愛西東。把  
釣晴谿上。編茅春色中。心無堪怪事。不必擬書空。

白帝城七夕

忽聽長年說。今宵七夕臨。客邊慵曝腹。夢裏寄穿針。新  
月黃牛峽。西風白帝砧。天河正相對。脉脉寄情深。

昔風清籟集卷二十二

九

風色

風色一以變。林光反不禁。黃姑依淡月。白帝動清砧。萬  
里無家客。孤燈獨坐心。余行濡且滯。舟楫豈難尋。

巫山放舟二首

落日過三峽。狂濤戲一舟。浪高迷白狗。雲俯罩黃牛。目  
眩蘆花色。神隨竹箭流。寒威鍾此地。風氣冷颼。一  
舟離魚篋。國濤飛雲雨。鄉三更眠灩澦。八月下瞿塘。天  
地搖如覆。雷霆吼更長。禹功旣片石。明德嘆殊常。

小艇

小艇下青灘。長江較漸寬。千山梅正兩。四月麥初寒。世態用情薄。關山行路難。子規聲頗慘。客淚可能乾。

寓寺寄友

野寺無人到。青山在眼前。閒聽黃鳥叫。空擁白雲眠。若  
矣。愁。無。益。何。哉。興。不。先。杖。頭。耐。相。訪。正。有。賣。文。錢。

靜坐

靜坐衡門下。悠然白日閒。一身猶是寄。萬事不相關。峰  
色。雲。初。抹。溪。心。月。正。還。問。余。所。策。切。沽。酒。醉。青。山。

宿頴上北寺

昔風清籟集卷二十一

十

雙扉何自掩。木葉亂虛庭。雲濕懸鶻褐。燈翻相鶴經。行  
藏。安。苟。簡。淡。泊。順。飄。零。堂。靜。虛。生。白。天。空。寒。更。青。

鏡中

鏡中雙鬢雪。相見更相憐。偃蹇居牛後。敲推敢馬前。  
家。寒。露。葉。萬。事。暮。秋。蟬。開。口。不。曾。笑。人。間。八。九。年。

冬日雙林寺

可見無人境。門前與世分。鐘聲倖半壑。水面湛孤雲。宿  
火。灰。中。燭。鄰。春。雨。外。勤。豫。章。二。百。里。消。息。不。相。聞。

宿雙溪鋪

不有。雙溪宿。能知。孤客情。山川沈。月色天地變。秋聲華  
髮明。殘燭。珠星滯。五更出門。純鳥道。肯信馬蹄輕。

羈旅無聊自嘲二首

世態久。方見人生已浪過。長鳴師蜀帝。善淚學湘娥。雨  
掩春山重。江埋宿霧多。紫貂裘敝盡。季子不歸何。  
拙在不能養。愁稀反自尋。窮如闕鬼使。命敢怨書淫。落  
日沈山影。空村寂鳥音。長途鞭老馬。三嘆世斯今。

夜泊艾亭望汝陰

不辨艾亭色。安能辨汝陰。潭空星欲繫。壑靜夜如沈。水

昔風清籟集卷二十二

七

氣凝寒。露秋聲聚。遠砧明朝州。裏去馬度白雲岑。

朝二首

夢醒孤筇在。朝來四壁空。枯魚懸欲斷。老馬困無終。鶴  
髮絲。雪鵝衣片。風自天奪吾友道。遂入竒窮。  
吾友謂馬也

用昭也

茅屋朝難出。寒生事。哀籬傾。風有崇薪。盡火無媒。駛  
雪一何甚。歸嵐慘不開。夜深天亦憤。破柱數聲雷。

夢入蜀

夢刺夷陵艇。千峰仰面看。雲開神女廟。浪湧使君灘。亦

甲猿聲廣。黃陵水氣寒。自余涉世後。蜀道不為難。

夜

客似倦飛鳥。逢林即宿林。三更殘雨冷。孤館一燈陰。道  
遠添貧病。朋踈費歎吟。無端東海角。濡滯到而今。

晚發邗溝

晚發邗溝艇。夜過揚子橋。半村紅燒野。一望白江潮。荷  
葉珠堪數。蘆花雪漸饒。歸帆無所事。乘月且吹簫。

砧聲

砧聲何太急。獨客步江墟。星月銀河外。湖山白露初。一

昔風清籟集卷二十二

十三

貧仍壯老。多難是詩書。誰料殘生在。浮萍亦不如。

病

葉落多於雨。狂風欲作天。三秋來日少。一病幾時痊。量  
水兒教熟。聽鐘婦得傳。卧多神恐損。扶起小窓前。

江南旅情

日落青溪柵。潮平白鷺洲。林深常似雨。江靜易生秋。涼  
月來天外。明河俯渡頭。飛之鴻雁影。不見尺書留。

無題

不見當年萼綠華。坐深日影過隣家。西風欲剪三更。

零露初彫石竹花。眉染遠山終慘淡。粧慵高髻任天斜。  
可憐秋水冰將結。猶有何人事浣紗。

涼滿晴窓兩氣先。香殘古鼎尚微煙。闌干草碧嵐初惹。  
河漢風高月未妍。漏轉三更天在水。夢回孤燭夜經年。  
關心欲寄青鸞信。淚濕新題一幅箋。

錦字雖成欠羽翰。谷風空送雨聲寒。無由似月能相照。  
倘化為雲亦易殘。寶鏡多情離即暗。銅壺非淚滴應乾。  
夢魂不怕峯上隔。只覺人間行路難。

新涼如沐過花陰。風捲鈎簾月正臨。一點流螢隨小扇。  
半庭芳草落疎砧。窓明孤燭蒼先泣。天倒長河夜共沉。  
愁繞流蘇更又轉。夢魂飛到五雲深。

歸天馬山草堂

溪上春潮帶雨渾。行歌歸去浣花村。白雲芳草全無恙。  
萬壑千峰獨閉門。豈有詩囊羅海岳。分明生計付琴樽。  
倚欄料理新篁色。滿樹東風鳥自言。

莆風清籟集卷二十三

河內 竇需書學山

叅一訂

興縣 李夢庚東觀

里中後學鄭王臣慎入一字蘭陵輯選

同里 郭砥柱兼可 校閱

明十六

郭應聘 四首

字君賓號華溪嘉靖庚戌進士授戶部主事遷

員外郎中出知南寧府擢四川兵備副使陞廣

莆風清籟集卷二十三

一

西按察使轉右布政使晉副都御史巡撫廣西

入為戶部侍郎尋加兵部侍郎再撫廣西晉兩

廣總制召拜南京兵部尚書贈太子少保謚襄

靖

蘭陵詩話襄靖平生謙抑恂恂如儒生至於握機制勝似有神授先後平諸犛穢巨盜下堅壘百十餘自韓襄毅後僅見云矣詩不多忠孝之忱溢於言表

重陽日盆菊未開友人宋懷西訪予訝之感而賦

此

憶昨時初夏東鄰菊有花

夏月李總戎籬菊已開邀于共賞云何此庭

菊九日未含葩。無私造物心。淹速詎爾差。應知植本弱。  
溉滋容未加。我聞凌霜操。彌晚節。彌佳俛。首羣芳。歇。  
立舒菁華餐。英情自劇采。實意猶遐。丈夫重晚路。氣味。  
良足。誇慚予衰薄。安浮名苦樊。高踪憶陶令。賦歸卧。  
雲霞。三徑荒已久。胡為天一涯。

黃菊章

子母太淑人壽八十有一扶侍粵鎮誕日  
值黃菊開花歌以侑觴

高堂戲綵日。黃菊正開花。密葉凌霜迥。寒香泥露賒。南。  
山青並峙。東海潤無涯。四沐鴻私重。太淑人四  
沐封結酬恩敢

聞家

昔風清籟集卷二十三

二

小春方戒序。黃菊正開花。天外絲綸重。堂前劍履賒。疑。  
遊蓬島上。忘却海天涯。捧卮長進酒。萬里總為家。

聞貳卿之報

我馬聞關豈獨賢。忽聞新命轉忼然。司農叨並諸曹列。  
宦轍驚非廿載前。萬里弓旌依白日。寸心葵藿有青天。  
君恩子職應同重。欲向衡陽卜去轅。

翁夢鯉

四首

字希登號兩川嘉靖庚戌進士授金華知縣擢  
戶部主事謫潮州通判遷惠州同知以平倭功

陞廣東海防僉事有戶部稿使吳稿謫居稿

蘭陔詩話雨川防海粵東屢平巨寇威名大震積勞而卒詩情清婉五律足稱擅場

早春麻城界河

客行初入楚。風日滿長亭。野燒生荒岸。沙禽浴晚汀。溪流新雨碧。樹帶故年青。轉憶西來道。孤鴻雪裡聽。

盱江覽勝樓

高樓宜俯瞰。物候摠堪憐。地氣寒生雨。江流暝起烟。萬家春樹裏。孤棹晚汀前。無限登臨趣。清樽對遠天。

次忻州

昔風清籟集卷二十三

三

故園杳無際。凄然客思多。雪中歸代郡。冰上度滹沱。野戍孤烟出。寒空一鳥過。邊庭誰與晤。獨賦式微歌。

偶然作

塞北呼庚癸。江南尚寇兵。堂前有枯井。忍聽轆轤聲。

林兆金 二首

字懋南。號鶴山。富孫嘉靖庚戌進士官南京戶

部主事。有東山樵稿。

懷友人

也僻業門靜。終年少雁過。美人書斷後。悵望意如何。漳

水雲烟合燕臺艸。樹多那堪聽啼鳥。淒切雜離歌。

東山晚眺次東臯翁韻

向晚漁歌款乃歸。興豪還欲挽斜暉。年華自覺成遲暮。  
世事何勞問是非。樹色蒼蒼，諸界淨。霞光渺渺，數鴻飛。  
可憐烏石山前月。長照松門半掩扉。

方叔猷 五首

字君謨良節孫嘉靖己酉鄉薦官饒州通判有

陽山存稿

蘭陔詩話君謨詩源出晚唐  
辭極秀倩

蒲風清籟集卷二十三

四

聞蟬

送客城南路。蟬鳴嘒復收。一聲初入夏。午樹已含秋。歲  
序看明鏡。行藏嘆敝裘。嘈嘈隨去棹。不離小沙洲。

對月

玉露催殘砌草彫。淒然徙倚對清暉。風塵老我雙蓬鬢。  
水國閒他一釣磯。臥病不堪籬菊瘦。傷心偏怯塞鴻歸。  
思家步月頻回首。夜半金波望却違。

春草

平野萋萋細草繁。菁蔥剪就映江明。春風初醒池塘夢。

曉霽。選舍湘浦情。何處王孫歸。路晚誰家少。婦怨愁生。  
踈簾百種侵。堦色雜珮還。應擷杜蘅。

宮詞

悞入昭陽供奉班。梅花妝薄淚痕斑。南宮歌管聲如沸。  
獨對空庭月色閒。

奉帚平明幾度秋。飛花歷亂使人愁。妾心還似金河水。  
繞到深溝咽不流。

方攸濟

四首

字君敬號叢石叔猷弟嘉靖庚戌進士官南京

普風清籟集卷二十三

五

戶部主事遷員外有陳巖集又與子沆合刻有

橋梓集

閔亡友邱光祿尺牘悽惻成詩

散帙披殘墨。愁雲黯不舒。瀟湘萬里淚。慘淡數行書。  
短悲零露。天長阻素車。山陽思舊意。賦就更霑裾。

懷吳明卿

一別河梁已隔旬。征衣遙逐楚山塵。平蕪渺渺愁孤客。  
芳草萋萋憶故人。鴻雁漸依彭蠡渚。桃花擬泛武陵津。  
才名汝亦吳興守。何處汀洲採白蘋。

歲暮感懷

朔風搖落歲將除。客子他鄉賦卜居。亂後江山懸夢寐。  
秋來朋舊絕音書。清霜髣髴髮那堪。鑷積雪芝苓未可鋤。  
人事蕭條生事苦。柴門歸去老樵漁。

九月十日登初陽臺

杯酒重陽興未闌。荒臺夕照更憑欄。雲低大壑千山合。  
雁落平原萬木寒。白髮幾回逢一笑。黃花何意醉相看。  
振衣欲縱登臨眼。無那西風吹客冠。

黃

謙

八首

昔風清籟集卷二十三

六

字亨夫號六橋嘉靖庚戌進士官刑科給事中

有萬玉山藏藁

蘭陵詩話甫中有三黃謙一字惟益思承孫中  
永樂甲申進士有願學齋稿一字五益約仲子  
中宣德已酉舉人才華敏瞻有父風今其集俱  
不傳惟亨夫詩名最著王敬美吳明卿極推重  
之集中佳句如珠海南浮鷲颯母蒼梧西去吊  
湘君亂後衣裳長作客愁中風雨再逢君玄菟  
名王脩禹貢白羊守吏獵春田滄海總歸周白  
雉水軍盡立漢朱旗皆上駟也

久雨屋破簡鄭亦鼎員外

四月五日六日雨中萬竈斷烟霧却憶谷口老員外

老庫桑落藏無數此時開庫張瓊筵紅兒鄭愛起舞壽

石前在陵拾遺窮。鬼纏囊空屋破頭戴天。

石網道中

四塞山中國。江流天作池。桑麻仍禹貢。雞犬似秦時。菓熟黃梅雨。蠶繅白繭絲。南州五十縣。何地不流離。

七夕

天上雙星夕。人間一葉飛。雲屏秋影澹。銀燭夜光微。狐塞寒應早。龍庭戍未歸。傳心須錦字。難借七襄機。

壬戌五日時賊圍棘甚

揮羽闔山急。懸軍道路長。靈符空照耀。戢血已玄黃。對

昔風清籟集卷二十三

七

酒不能御當歌。忽自傷。奉蘭人去遠。風雨暗瀟湘。

春日陪祀康陵

鸞旂南北半離宮。回首巡遊一夢中。金粟夜飛銀海燕。珠襦寒護鼎湖弓。雨岳大漠千官淚。濤起高松八駿風。孝廟園陵瞻咫尺。春來杜宇恨無窮。

三閤大夫祠

江上青楓開古祠。風前瘦影尚當時。秋深芳芷三湘變。日落浮雲七澤垂。遠水有魂招獨往。高天無路問誰知。投書不是南遷客。今古孤心總可悲。

遠浦歸帆

洞庭雲起黑龍多。一片歸颿駛若梭。記得橫江津吏說。郎今欲渡。有風波。

惶恐灘

宋文信國被過此

雙泪秦庭事。忍言南天不吊。北來魂。灘聲似解。孤臣意。日東流。赴海門。

張秉鐸

一首

字廷教嘉靖己酉鄉薦官清江知縣

漢帝廟

昔風清簾集卷二十三

八

提劍辭父老。白雲寄艸萊。寧知粉榆社。應作歌風臺。塵廟衣冠盡。石門俎豆開。故鄉有遺愛。誰為姓劉來。

柯本

一首

字正之號龍山維熙子嘉靖庚戌進士官浙江

按察僉事

蘭波詩話正之宦浙日禦寇有方畧享年不永遺稿散佚僅存題壁一詩

山窓偶咏

故園遲日弄鶯聲。却是春光不世情。半酒琴書聊自適。幾年湖海了無成。羞於鏡裏看毛髮。慚向人前說姓名。

感慨茲生須努力。莫將吾道付滄冥。

昌應時

四首

字廷佐號鳳岡嘉靖庚戌進士官臨江知府

蘭陔詩話鳳岡謝政歸隱于霞村嘗輯莆陽明詩六帙名郊居詩抄採擇精當有功藝林多矣

將度關嶺次徐子與韻

牢落邊州路。愁雲萬里生。亂山當岸出。駭浪拍天橫。馬瘦防踰嶺。烟高欲近城。寄言徐孺子。何似七閩行。

過盤江河

孤棹倚江心。丹楓夾岫陰。湍流吹白雪。谷響雜鳴禽。物

莆風清籟集卷二十三

九

候驚駒隙。宦情嘆陸沉。欲因漁父問。竄跡海雲深。

宿白水

明。白水浸紅霞。落日藜烟三兩家。野戍笳聲。橫鳥外。亂山馬跡尚天涯。孤村藟醬聊供餉。十月緋桃欲放花。白首馮唐終碌碌。故園歸去正桑麻。

度杉關

蕭。疋馬度杉關。憔悴今朝足解顏。銅柱生還。雙鬢改。鹿門招隱。一身閒。春來多病。須丹藥。老去相看。有碧山海內朋遊零落盡。只今倦鳥亦知還。

黃懋冲一首

字象謙號樓峰嘉靖乙卯鄉薦第一

蘭陔詩話解元精繪事嘗為威南塘狝涸橋圖形神飛動王麟洲見之曰小黃解元小李將軍不及也詩少流傳

金山寺次韻

孤帆未落又峻嶒况有危巖帶翠藤。百代江山千異日。六朝勳業一庵僧。微煙蚤吐空中閣。夜雨龍浮殿裏燈。聞道隔林蕉處士。臨風呼我最高層。

康雲程一首

青風清籟集卷二十三

字懷萬嘉靖乙卯鄉薦官徐聞知縣

九鯉湖

鳥道縈迴逼九天。扶筇直上北山巔。尋真忽漫探三島。取醉何辭買十千。夾深琪花開欲墜。懸岷棋蓋笑堪憐。凭欄自覺塵寰隔。縹緲松風度僮佺。

黃懋賓

三首

字君暘號七山希濩子嘉靖中諸生以子鳴喬贈袁州知府有寤言室集

蘭陔詩話七山築吟舫成自題云酉山辰水浪跡百年能生天地貧我素琴濁酒寤言一室

坡老曰風月閒人回放曠之士也

建溪即事同林陳二丈

客路三春晚。征帆一水長。青尊當落日。華髮共他鄉。高  
枕灘聲響。披襟汀草香。沙鷗如解意。炯炯傍危檣。

題畫

峰巒十里一江秋。碧石丹楓上小舟。自正鶻冠憐白髮。  
誰將鸚賦問滄洲。遠天斷雁寒雲盡。半漈殘虹暮雨收。  
獨坐斜陽對尊酒。烟波浩蕩幾沙鷗。

遊燕子磯

昔風清簞集卷二十三

十一

金陵山谷大江開。丹嶂高臨江上臺。梵閣雲收雙樹出。  
漢祠潮長幾帆回。含烟鷺樹多鸞鶴。落日人家半草萊。  
興發侵晨凌巨浪。滿天風雨一舟來。

青風清籟集卷二十四

留別楊郡伯 高郵 夏之蓉芙蓉

叅訂

吳江 周日藻旭之

里中後學鄭王臣慎人一字輯選

同輩里 林 颺禹拜 校 閱

明十七

方萬有七首

字如初號奎山嘉靖癸丑進士改庶吉士遷工  
科給事中有頤菴藏藁

青風清籟集卷二十四

蘭陔詩話頤菴以發趙文華狎客不法狀忤嚴  
分宜請丞休寧稍遷清曹尋以詩典中之林居  
數十年游情篇翰其詩古體意度閒適依然漢  
魏之遺

泛舟藍溪

蠶居思鬱煩。招遊出城郭。暑雨旦初霽。飛泉奔萬壑。揚  
舲泝急湍。長風振叢薄。禾黍盈田疇。葱蘢遍巖嶽。文彥  
相追隨。芳醕共酬酢。臨流歌吹繁。撫景宜歡樂。良辰難  
再逢。人生詎如昨。繫纜興未終。巖城下魚鑰。

留別楊郡伯

兵甲滿天地。容行安所如。登高覽八荒。忽焉獨躊躇。欲

濟河無梁。涉遠塗。無車回首。盼鄉國。門巷莽邱墟。十室  
九無人。荒田孰與鋤。卒歲道途間。中情鬱以紆。夢魂搖  
不定。夜々返舊廬。

棠林暮歸舟中即景

泛艇沿歸路。微風起夕波。羣鳧引子去。獨鳥背人過。虹  
帶斜陽薄。蟬鳴古樹多。蒼茫葭葦際。歎乃聽漁歌。

懷黃金之

憶昔鳴嚶候。溪橋初送君。忽今鴻雁下。蓮社悵離羣。綠  
遍湖南草。青田薊北雲。長安先達者。誰薦子虛文。

昔風清籟集卷二十四

廣陵陪祀

塞北天南八駿遊。赤霄丹雘見靈邱。龍蛇影動千峰翠。  
虎豹聲喧萬木秋。鄴杜輕裘同扈聖。邯鄲挾瑟總封侯。  
孤臣尚有遺弓淚。何限當年折檻愁。

寄李太僕孝甫

憶爾當年賦子虛。漢庭誰復薦相如。三朝日月淹郎署。  
萬里江山擁使車。池上新詩多感慨。夢中華髮漸蕭疏。  
萍踪南北應難訊。漫向秋鴻一寄書。

為黃隱君題畫

尋君為訪武陵溪。流水桃花路欲迷。渡口漁郎不相問。但聞隔葉子規啼。

鄭

茂九首

字士元號壺陽嘉靖癸丑進士除海鹽知縣擢

兵科右給事歷吏科都給事中陞河南按察使

有尺園詩集

謝山子曰公詩空明相引可悟立言之法

蘭陔詩話公教歲時諸祖抑齊公過其家公密置爆竹於座下抑齋公將杖之公荅曰竊聞震雷破柱太初不驚叔祖雅量聊以相試耳抑齋公奇其言命作爆竹改題應鼓曰聲震乎天地之間氣盡于灰槁之餘抑齋喜曰此子他日聲名當不在吾下後歷諫垣果震直教晚所居不

蒲風清籟集卷二十四

三

戒于人豈灰爐之應耶

雨度石山驛抵利國監已漏下十刻忽覩明月引

盃獨酌漫成

侵曉發彭城驟雨濕危旌。河流何湍瀆石路何崢嶸。宿潦聞新溜輕陰悶晚晴。我僕既已癩我馬悲且鳴。當軒稅征駕皓月挂前楹。群動皆已息萬籟靜無營。而我何為者觸暑事甯征生年幾半百俯仰百無成。玄鬢嗟已改髻助空自驚。悵然念儔侶獨坐對長檠。

黃田驛有懷李都運

迢遞黃田路。羈樓聽雨心。雲迷千澗。暝燈落一窓深少。  
別驚殘夢。相思隔暮岑。雙龍看不透。終古劍江濤。

過艸萍驛

古驛荒煙斷。征驂向晚停。嗟。回江。雨。白。坐。對。越。峯。青。萬  
事皆蕉鹿。吾生亦艸萍。勞歌猶未已。短缺復衝星。

初夏諸社丈小集咫園

盟鷗開小徑。結駟枉朱茵。酒綠仍含醵。花飛尚覺春。君  
為驚座客。我豈獨醒人。且盡持螯興。寧辭蓮漏頻。

卜居

昔風清籟集卷二十四

四

為愛林泉好。翛然此卜居。呼童鋤小徑。對客檢殘書。日  
轉蒨陰合。窓含野色虛。碧山真不負。吾欲混樵漁。

三閭大夫

洞庭南望夕陽多。杜若陰陰覆汨羅。去國丹心懸日月。  
懷沙遺恨泣鼃鼃。故宮搖落餘三戶。詞客淒涼自九歌。  
投閣子雲空著賦。反騷當日意如何。

平寇後渡府江

百丈樓舡下瀨回。昭州千里淨氛埃。舞干共覩虞廷化。  
佩犢誰為漢吏才。江靜魚龍吹雨過。山空麋鹿向人來。

獨憐故壘蕭蕭處。猶自徵兵到草萊。

### 東彭從野大叅

拂衣長嘯下湘川。父老攀車泪黯然。清白無慚廉吏後。  
雌黃任待世人先。折腰縱令歸元亮。彊項還應避董宣。  
宦海波濤看已渡。千金誰羨一壺懸。

### 畢錦衣以新釀見餉作此酬之

百壺從事到青州。綠筆翩翩興不休。得句且傾鸚鵡杓。  
凌雲誰賞鷓鴣裘。

### 陳志二首

昔風清籟集卷二十四

五

字思尚嘉靖癸丑進士官僉都御史巡撫鄖陽  
初夏集鄭士元尺園次韵

別業從來勝。芳筵花作茵。却憐楊子宅。猶賸武陵春。倚  
杖雲生岫。開尊鳥近人。自今來往熟。不待報書頻。

### 夏日湖居同方給諫賦

長夏湖光一望開。虹橋東砥百泉迴。滄江逸興同青瑣。  
小閣幽棲半綠苔。菡萏風生清午夢。薜蘿雨過斷塵埃。  
逢人莫問行藏事。已擬陶公賦去來。

### 蕭奇勳二首

字懋建嘉靖癸丑進士官南京戶部員外

蘭陔詩話懋建家四世同居六十餘人合食庭無間言人比之浦江鄭氏云

### 定州道中遇雨

西顯何蕭索。羈懷鬱不開。邊。戍。上。谷。近。雨。色。太行來。客。計餘書。籠。宦情開酒杯。江湖吾道在。留滯未須猜。

西湖舟中懷龍灣鳳洲二公昔曾以西湖之作見

寄

西湖風物屬吾曾。况值秋宵爽氣高。棹撥中流星移動。尊開明月醉顏醕。青山有分饒幽興。白髮無情且濁

蒲風清韻集卷二十四

六

詞客中原俱好在。相思其奈夢魂勞。

黃天全 十一首

字全之嘉靖中布衣有黃山人詩集曹能始云全之詩臻

妙境而古尤擅場取其渾樸之氣去三百篇未遠

蘭陔詩話全之汪伯玉王敬美最契又嘗容戚南塘幕中其論詩以漢魏為宗不作近體後入木蘭吟社社中人促其作律詩始稍稍為之輒蹊闖與張睿父觀察彙其五七言律禕之陳甫庵尚書為序稱其可與開元大曆諸子並驅其藁在南山廣化寺前近為人所銜良可嘆也

大宗伯陳公望期遊鯉湖不果二首

奈少負不羈神志薄寥廓。遲暮情餘。豈不惜邱壑。不

老幸同懷托乘亦云樂。鉅山久愆期。幽心慙海若。駕言九滌遊。據鞍復前却。何事逆相妨。念之輒頗頽。境內且不遑。寧須談五岳。歲月不待人。埃壒誰先覺。

歲凶庾釜罄。嬰孺時啼饑。室人愠相病。能不為贖眉。忽焉懷古昔。瞿然還自嗤。帶索娛九十。遠哉榮啟期。三旬九遇食。淵明樂不訾。余尤有曩態。違恤兒女私。獨憐寡俗韵。倘將安之。慙慙問仙侶。佳遊幾何時。旦暮倘相命。衝寒亦杖藜。

別方景武

時景武全戚元敬赴薊門予全注開府南返

蒲風清籟集卷二十四

七

北遊非失路。南返詎忘情。偃蹇憐同病。飄零負此生。醉來歌白雪。老去倚青萍。夢寐還相憶。何時遂耦耕。

生日泊舟翠光岩

浮生不滿百。六十尚飄零。物外雙蓬鬢。天涯一客星。又逢新月白。相對晚山青。小艇隨漁父。虛疑笑獨醒。

鄭叔曉舟中詒詩見懷賦答

舉世嘲狂客。而君獨我思。閒情移晚棹。高誼見新詩。去慢銀河出。行杯山月窺。追隨知劇樂。多病負襟期。

七十書懷

七十古稱稀。殘生傍釣磯。遠山青鳥度。新水白魚肥。老  
覺風波異。貧傷世事非。煩襟如可滌。偃卧亦忘機。

睡起

老至甘寥落。幽居睡起遲。青山知己在。白眼世人疑。岸  
幘香雲處。空庭聽鳥時。平生機事少。不分鬢如絲。

郊園獨坐

晚得園中趣。長為物外遊。芙蓉紅冉冉。香稻綠悠悠。風  
靜千林寂。雲晴萬壑秋。餘生良自惜。落日更登樓。

東海奉懷汪開府

昔風清籟集卷二十四

八

游覽經時與未休。買舟仍典鶻鷗裘。門墻有客來今雨。  
江海無人識故侯。邊計尚煩勞指頰。山靈早已結綢繆。  
却憐花鳥愁無限。題詠還應徧十洲。

桐江夕泛

關門西出少逢迎。千里孤舟一葉輕。落日掛帆潮正滿。  
片雲度海月初生。誰憐白髮耽幽事。自是青山有舊盟。  
病骨支離詩總廢。杖藜隨地聽鶯聲。

途中酬陳伯木

注天飄泊忽驚秋。風雨瀟瀟一敝裘。搔首三山家漸近。

幾回清夢繞螺洲。

林敦復 五首

字嗣翁大輅長子嘉靖中以蔭授光祿寺正歷

官都勻知府以平寇功晉兵備副使有屏東集

林懋揚云屏東詩出有庭闈有心學杜工部

蘭咳詩話屏東為工部郎時李太宰默起用贈以詩云丹心戀闕八千里玉署承恩二十春李

大欣賞一時傳誦之

獨雁

深秋風浙、絕塞路迢、獨影浮寒水、連殼度碧霄。

昔風清韻集卷二十四

九

樓情更切錦瑟恨難消、蘆月瀟湘上晴沙伴寂寥。

新店道中

野店何蕭瑟、裊興促馬蹄、雪深山棧滑、嶺僻洲橋低、卷馬侵晨發、寒鴉拂曙啼、白雲人跡少、應近武陵溪。

七月七日對雨感懷

風雨微寒催塞鴻、旅情落、向誰同、三年多病登樓、萬里懷人聽笛、中柳色玉堤縈、禁掖城頭金漏徹、雲宮天河茲夕逢、佳節杯酒蕭齋對桂叢。

長至月次水西有感

佳節思鄉首重回。樓船何事泊江隈。遠山落日丹楓見。  
野水寒雲白鳥來。萬里相隨湘浦雁。十年長隔故園杯。  
應懷玉湖清流處。閒適山齋幾樹梅。

送人聞寇還吳下

憐子南歸迫歲冬。龍鍾何地寄行踪。楓橋極目皆烽火。  
蕭寺應無半夜鐘。

莆風清籟集卷二十五

吳縣楊大琛寶年

叅訂

涇縣胡蛟齡凌九

里中後學鄭王臣慎入一字蘭陔輯選

同里柯九鵬子雲校閱

明十八

林潤五首

字若雨一字九霖號念堂嘉靖丙辰進士授臨

川知縣擢南京山東道御史遷通政司叅議累

莆風清籟集卷二十五

陞僉都御史巡撫蘄松

蘭陔詩話公上嚴世蕃羅文龍逆狀二人皆遣戍已復亡之家公馳至九江捕之王元美袁江流樂府所云御史乘飛置捕司空至京是也今傳奇猶演之莆城陷于倭公奏請蠲租三年仍乞帑金修學宮築東角長堤里人德之矢詩不多調亦高爽

謁靖節墓

五斗腰難折。秋園菊已花。無絃心獨契。有酒興猶賒。晉  
室流風遠。孤墳宿霧遮。生芻向晚奠。古木響寒鴉。

九江閱操

城瞰長江勢自奇。白牙赤甲簇朝曦。龍蛇陣繞雲山動。

虎豹風生鳥雀悲。塵淨碧空收戰馬。光涵蒼嶼拂旌旗。  
西南萬里皇威布。薄劣承宣媿匪宜。

秋夜偶感

茅亭夜迥水聲涼。雲樹依々入望長。幾處寒砧催落月。  
誰家征婦泣遼陽。聞雞欲舞祖生劍。對菊翻思陶令觴。  
三十來年猶潦倒。風塵易染鬢毛蒼。

陳環洲陸懷川二春元寓居衢郡邀飲池亭有作

春日鶯花色，妍習池情景更堪憐。音書久斷風塵裏。  
笑口初開斗酒前。陸贄寸心真耿耿。陳蕃一榻豈虛懸。

青風清籟集卷二十五

二

他鄉共客仍分袂。薄暮衢川思惘然。

秋興

愁思悠々客裡情。可堪落葉動秋聲。月高蘭渚歸旌遠。  
風度蘋洲去棹輕。烽火有時傳北塞。甲兵何日靜山城。  
萬方多難奔馳苦。夜雨寒窓夢不成。

戴

科

七首

宇朝賓號筠臺嘉靖丙辰進士授戶部主事遷

員外郎中出知叙州改知廣州有白湖詩草

蘭陔詩話公曾祖淑威嘗賑饑民全活千餘人  
公赴禮闈全考殿崇川夢緝衣神人指几上卷

曰此積善家子也起得公卷遂拔之知廣州日  
飲水茹檠因發提舉黃某賊忤直指罷歸與諸  
名流觴咏為樂閩中名勝足跡殆遍著作甚富  
惜少流傳

### 遊羅浮歌

我生性癖耽幽奇。三天五嶽信所之。脚着萋萋阮孚屐。  
壺公竹杖化龍騎。浮楂耿々沿河宿。萬逕千峯跨白鹿。  
賣藥會逢東海翁。徘徊天路披雲服。十洲欲作千年游。  
夢寐長於海上求。未向蓬萊窮絕島。先從南越問羅浮。  
朱明洞接青霞谷。玉女蛾蟻互起伏。瑤石瓊泉臨道旁。  
游人一見駭心目。麻姑獅岩花如緋。萬木參天掩翠微。

### 昔風清籟集卷二十五

三

秋草蕪沒山路險。青藜扶我欲高飛。天風為我開蘿徑。  
明月為我照石燈。乘月鞭風連夜登。飛雲頂上寄真興。  
編茅枕石雲中眠。吸露餐霞拂曙烟。日出散桑夜未徹。  
清光先射此山巔。憑虛尺五隣天闕。欲往扣之意超忽。  
誰道仙階不可升。我身輕矯豈凡骨。朝來暮去空知頻。  
兩腋生風捷有神。手指一杯滄海小。萬山孰敢翻嶙峋。  
朗吟飛度黃龍洞。遙見石樓勢欲動。試向樓中吹玉簫。  
翩々引下雙青鳳。誰開精舍山之前。俎豆千秋屬五賢。  
為漢離宮俱泯滅。伊人物色尚昂然。潺湲飛瀑環岡阜。

九折十盤出洞口。洞口萬千青石堆。中間無數藏瓊玖。  
鉢盂峰轉東南馳。千尺水簾白日垂。載拭蒼苔邀客坐。  
流杯行酒宴瑤池。層岩疊障凌霄漢。絕壁留題尚燦爛。  
長嘯中天山谷搖。青鸞白鶴喜相喚。乘風徙倚梅花村。  
忽憶師雄醉綠樽。暮雨朝雲空聚散。啁啾翠羽斷人魂。  
五色雀向我躍。呼山童為采藥。丹灶前扣稚川。雙飛燕。  
學鮑仙。四百峰頭高拍手。歡呼同祝南山壽。劉阮天台。  
定足圖。王喬何處復飛鳧。逍遙洞壑春秋富。九轉丹成。  
開藥爐。倏忽人間幾晦朔。離時聽鈞天樂曲終。且別。  
此山靈杖屨。還應訪五嶽。

昔風清籟集卷二十五

四

初夏同潘印川臺長集鎮海樓

五嶺乘驄日。層樓下榻時。風雲隨絳節。歌管雜黃鸝。烟  
樹開民舍。珠光照客危。簡書同萬里。對酒意躊躇。

移家初陽道中見梅

南陸日初轉。初陽梅已花。香隨風笛度。影傍月樓斜。歲  
暮傷為客。他鄉暫寄家。老親強健在。春色遶天涯。

歲除夜雪逢昌廷佐

除夜猶行役。况兼雨雪來。客心驚爆竹。鄉思在寒梅。真

作山陰興。同傾柏葉杯。相看今歲盡。明日早春回。

趙汝泉守荊州以卓異晉叅政仍理荊郡喜而懷之

少小才名動九州。循良不數漢諸侯。荆南每見長河潤。郢上時聞五袴謳。彩鳳啣泥紅日近。紫薇分省綠陰稠。有懷千里同明月。何處琴尊續舊遊。

喜羅浮道士至

憶別羅浮幾許年。山中羽客復相延。三千世界飛雲外。四百峰巒見日邊。縮地無能騰紫燕。逃虛端合問青蓮。朱明洞裏舊時榻。待我重來一醉眠。

莆風清籟集卷二十五

五

懷接笋峰二高士

接笋峰高不可攀。羽人長自閉玄關。梯連石棧雲中險。路入蓬門洞裏閒。把甕灌園渥白日。誅茅結屋駐紅顏。因知到處堪行樂。何用區區說買山。

謝一芹一首

字若莊號泮洲嘉靖中布衣

城破後入山有感

山月孤峰曉更幽。一天槍堦合歸休。雞豚初盡官軍過。

豺虎猶存野。老愁岫落谿。容洲易改。村荒土色草難留。  
登高欲問豪華事。蒼舊無人傷白頭。林雨可云悲思逼成奇響使誦者氣  
為慘淒

林焜章 一首

字振世號端石嘉靖戊午鄉薦官馬瑚知府

別懋章姪

名家自昔從司馬。躡屩于今入薊州。已見受經楊子宅。  
何當逸興向平遊。藏書篋內多蝌蚪。說劍盃中擬蒯緱。  
聽罷驪歌日將暮。相過且向仲宣樓。

莆風清籟集卷二十五

六

余

翔二十七首

字宗漢號鳳臺嘉靖戊午鄉薦官全椒知縣有

薜荔園詩稿

蘭陔詩話宗漢作宰全椒有異政與御史左棄  
官去為汗漫之遊王元美為司寇日欲為立傳  
謝曰湏公還山時也元美贈以詩云十八娘紅  
產荔支蠟榜舌嫩比西施更教何物誇三絕為  
有余即七字詩晚年詩律益進王百穀寄以詩  
云題詩千里問桑蓬青雀西來信忽通郵客陽  
春元和寡絳人甲子偶相同麒麟莫道生偏晚  
鸚鵡爭誇老更工曾赴瑤池春燕否蟠桃可及  
荔支紅時宗漢百穀俱年七十宗漢性和易里  
中少年召之飲無不達人比之陶靖節談論京  
矣達於物無所臧否又似阮嗣宗斯足擬其為人

舟中有懷社中諸子

悠々溪中水。瀟々溪上雨。薄暮倚扁舟。徬徨誰與語。鳥雀下林悲。啾々求其侶。豈無心所歡。一別在何所。逝水無還期。青春復幾許。美人期不來。望々空延佇。

陳氏園亭宴集

北風蕩浮雲。天宇肅清朗。寒色淡庭蕪。開軒集吾黨。美酒滌煩囂。玄談恣沆瀣。蓬蒿只尺間。居然物外想。搦管聞瑤華。張燈耀羅幌。自愛山林幽。寧知天地廣。仰視冥鴻翔。俯聽落木響。一結歲寒期。杖藜數來往。

昔風清籟集卷二十五

七

送別方子韓

江湖雙別淚。天地一狂生。有客同王粲。何人識禰衡。錦袍風雨色。尊酒別離情。君自懷明月。終償十五城。

見二毛作

生事惟高枕。蕭然已二毛。山中歌扣角。花下醉持螯。身世窮何礙。風塵夢亦勞。但教無俗物。隨意讀離騷。

病中答黃全之

伏枕當春暮。窮愁豈有寬。腰應疑沈約。鬢已似潘安。詩草牀頭廢。烟花夢裏看。多君金石贈。病起欲加餐。

病後伯華仁甫汝存携酒見訪作

茂陵多病渴。蕭瑟更悲秋。忽載花間酒。同為月下遊。露華清。欲滴楓葉老。堪愁莫惜如泥醉。風塵易白頭。

寄方景武

塞上悲歌者。相違路幾千。著書曾入趙。擊筑更遊燕。白羽徵兵日。黃金結客年。幕中工草檄。還憶舊青氊。

滕王閣

高閣峻。嶒。四望開。凭欄秋色客遲迴。城臨二水。吳天合雁帶孤雲。楚澤來翼軫。何人懸彩筆。江湖有客聲。深杯  
蒲風清籟集卷二十五  
八

霓旌不見風流盡。依舊西山暮雨哀。

送方子及謫滇南

一謫梁州萬里天。馬嘶鳥道白雲懸。恢諧誰復憐方朔。寂寞還應守太玄。山鬼西南窺虎穴。夜郎風雨嘯龍泉。淒涼漫擬投湘賦。宣室恩深召對年。

林天迪席上呈諸同社

風流詞藻郢中才。酒熟黃花對客開。高閣秋陰寒薜荔。一簾霜葉點莓苔。醒來澤畔誰相問。賦就江南祇自哀。意氣千秋吾黨在。不妨月下數啣杯。

懷仁甫

歲暮柴門生事微。灌園久息漢陰機。湖邊流水烟初暝。  
樹裏斜陽鳥乍歸。中酒誰憐稽叔夜。裁詩獨惜謝玄暉。  
雁鴻遙隔三山外。悵望江天片月飛。

秋日登揚州城樓

層樓百尺勢崔嵬。形勝東南望裏開。建業山從京口斷。  
廣陵濤自海門來。浮雲千里飛鴻度。落日孤城畫角哀。  
錦纜邗溝今不見。秋風搖落正悲哉。

宮詞

青風清籟集卷二十五

九

待月立金堦。露冷羅衣薄。徙倚玉闌干。秋風吹簾幙。  
懷友人

閉戶讀南華。人蹤幽徑絕。徙倚有所思。一片東山月。  
謁王美璞孝子墓

南去溫陵禁火時。雨中芳草綠離離。路傍華表應無數。  
下馬惟看孝子碑。

春暮即事

飛花片。下溪橋。柳外鶯聲百轉嬌。畫靜柴門人不到。  
新詩隨意寫芭蕉。

閨詞

芳菲春色滿樓臺。人在天涯去不迴。自倚雕欄看蝶。微風吹送落花來。

春園即事

睡起西齋日欲斜。溪邊汲水自烹茶。捲簾坐看雙飛燕。衝落櫻桃幾片花。

蒜嶺雨中

雨來馬上撲征衣。芳草淒涼去路微。況是江村寒食候。鷓鴣啼處亂花飛。

青風清籟集卷二十五

雨中賞夜合花

風動香飄十二闌。雨中相對一尊殘。玉容莫向黃昏歛。正欲携燈醉後看。

雨中咏杜鵑花

何來杜宇葉離離。三月盈庭花滿枝。莫是啼痕留帝子。至今羅袖濕胭脂。

經黃伯固墓

古墓荒涼草色新。况逢寒食倍傷神。誰憐地下魂無主。元是先朝諫獵人。

登謝公墩

王謝風流自永嘉。雙携歌妓鬪豪華。綺羅不見春歸盡。唯有東風送落花。

題山寺

幾度探春路不迷。尋僧又過竹林西。青山盡日無人到。雙樹陰中一鳥啼。

桃葉渡送顧八

酒滿秦淮花滿樓。春風吹動木蘭舟。不知陌上千條柳。曾縮離人一片愁。

莆風清籟集卷二十五

十一

銅雀臺懷古

孤臺突兀客初登。鄴下山河感廢興。花似綺羅人不見。惟餘春草滿西陵。

明妃曲

北風吹雪暗天山。蕉萃蛾眉去不還。薄命便教沙漠去。歸魂應度玉門關。

江上晚眺

竹林秋色入黃昏。溪水新添雨後痕。明月不來入語寂。數家漁火點江村。

林澄源 五首

字仲清號二泉嘉靖己未進士官四川右布政

使有悟往吟

蘭陔詩話二泉由民部出為貴州叅議以平蠻功晉叅政時吉水鄒進士爾瞻以劾江陵謫戍道由境上二泉與盤桓彌日入咸危之二泉曰昔徐晦越鄉而別臨賀后山出境而見子瞻彼何人哉以此獲罪吾固安之後陞四川右轄乞歸養志三十年嘗與兄靜泉仝著四書書經講義古易論海內宗之

遊唐山洞和蔡敬翁韻

白雲深處洞門幽。洞裏白雲自去留。山靜恍如遊太古。

莆風清籟集卷二十五

十二

花開不復記春秋。烟迷石榻僧初定。逕抱寒泉水亂流。此去丹邱如可即。浮生何用鷓鴣裘。

程都護自瀘寄平蠻碑刻答以是詩程乃余提武

關所選士也

閩南忽報渡瀘師。不負當年國士期。破賊共推程不識。護軍猶憶魏無知。蠶叢路靖惟傳檄。越雋烟銷正勒碑。莫更窮荒勤遠畧。漢庭今議絕西陲。

古意

朔風吹雪入高樓。北望遼陽萬里愁。裁罷征衣繞寄去。

又傳移戍在涼州。

偶題

浪含樹影起微涼。山向柴門抱夕陽。兀坐小亭誰是伴，一聲征雁過平塘。

贈徐山人

結。束。芒。鞋。踏。紫。霞。幔。亭。深。處。覓。仙。家。一。聲。長。嘯。雲。飛。去。  
三。十。六。峰。春。自。花。

陳思忠

一首

字君衡嘉靖己未進士官雷州知府

青風清籟集卷二十五

十三

九鯉湖

飛鳳山深隱列仙。丹成控鯉入雲天。珠簾斜捲湖中雨，瀑布晴披樹杪泉。十里芙蓉開畫幃，半空樓閣擁青煙。當年起草明光殿，彩筆曾經夢裡傳。

彭文質

五首

字在份號從野大治子嘉靖己未進士官廣西

叅政以孫汝楠贈兵部侍郎有遙清詩集

蘭陔詩話從野以裁抑靖藩被謗罷歸鮑玄味道高僧察中罕至城市韻語非其所好間有作者亦不甚留稿

西征次雷塘獨酌

軍事留孫楚。交情讓孔融。一經獨翫後。萬事隨緣空。幽  
意頗相愜。壯懷未可窮。何須飲至日。容與揖諸公。

解官歸鄭五大叅以詩見慰用韵奉酬

粵嶠行春愧兩轡。雅知執法抗疆藩。苦心遭謗應無忤。  
黔首當年計不冤。蔣詡昔聞開北徑。少陵亦自種東屯。  
蹇余域外脩初服。世事悠々那足論。

送陸思山之官滇南

西南形勝屬昆明。憲使悠々肅旆旌。棠樹長懸他日夢。

昔風清籟集卷二十五

十四

驪歌偏動此時情。舟移湘水風烟合。路入華山瘴癘清。  
候吏不須催玉勒。攀轅父老正縈。

程江道中詠懷

亭晚人初歸。紅飛花未掃。依稀白帝城。謾說烏蠻道。

遣懷

四圍山色護岑樓。仙友搖芬碧玉秋。靜裏細繙高士傳。  
何人不樂在行休。

鄭應齡一首

字君亮一鵬子嘉靖辛酉鄉薦官銅仁知府

無題

深林高樹翳鳴蟬。亂葉飄同十樣箋。倘化為鴛濱並翼。  
安能隨月得重圓。江頭折柳猶前日。漢上分襟不記年。  
手織回文長幾許。簾幃隔斷九雲天。

陳經邦 十一首

字公望號肅庵言子嘉靖乙丑會試第二人改庶吉士授編修轉諭德掌坊事進侍讀學士掌院事擢禮部侍郎加太子賓客轉詹事府詹事教習庶吉士轉禮部尚書兼學士贈太子少保

莆風清籟集卷二十五

十五

有羣玉山山房詩集

蘭陔詩話神宗在東宮肅庵為講讀官及登大寶日侍經緯寵遇甚渥嘗命咏御前筆墨硯劍立成千秋歲萬年歡慶春澤齊天樂四闕又應制諸詩賦皆稱旨上大悅書責難陳善四大字賜之及典春曹盡反張江陵操坊之政士氣為之一伸後與柄臣論事不合年四十賦歸築西巖精舍與里中諸名士唱酬優游林泉三十餘年其詩格律宏雅氣度春容質而不浮麗而有則足稱名家

遊西湖天竺宿李响嶼山房

山行興忘歸。夜造幽人境。松篁三徑昏。烟雨千崑暝。林鴉驚炬散。野鹿避人挺。藤蘿天際迷。鐘磬雲中引。山深

幽事多地僻塵慮屏空。谷有白駒靈闕守玄牝乃不厭  
將逆為我欣延領。坐久席更親宵分燭猶秉緒談漸疊  
疊高義真炯炯。衡廬迷窮搜華岱誇歷騁紫芝忽歌商  
白雪還嗟郢。茅堂泉聽清竹榻雲棲冷。夢已到丹邱耳  
即濯清頰始悟靜者閒嗒然發深省。

卜隱巖西有作

緬懷故山賞。決策謝軒蓋。偶然卜茲隱。靈勝如有待。誅  
茅發竒石。踞澗得清瀨。林壑秀相挹。峰巒鬱如帶。升高  
一縱目。海色逾明昧。有田在岩阿。分水注吠澮。課僮習  
農務。倚杖立牛背。秋深秫已熟。客至魚可鱠。落日閑松  
扉。寡息羣籟兀。然坐其中了。與幽意會。即此托冥栖。  
何必方之外。

秋風吟

蓐收搃新轡。四序已半過。驟景去不返。芳辰來無多。玉  
露沾野草。金飈振庭柯。仰視河漢流。皎生涼波。常恐  
荃蕙晚離思。當奈何。徘徊不能寐。慷慨還自歌。

吊淮陰

上陰城下秋水奔。淮陰祠前秋日昏。萋萋極目盡芳草。

可憐何處懷王孫。王孫宿昔貧未遇。一釣飄零逐烟霧。  
時來拜將不受呼。登壇慷慨開雄圖。羽檄星馳下萬壘。  
金戈電掃空四海。歸來報德揮千金。少年肉袒轅門深。  
功名盖世威震主。漢家養公如養虎。當年攝足藏危機。  
天下已安將安歸。龍顏未必非烏喙。齊客蒯生魯相背。  
竟緣形似生疑猜。含冤鍾室真堪哀。未央君臣轉相賀。  
百戰元功同一唾。至今壯士悲良弓。不應早致高鳥空。  
高鳥空兮弓已矣。嗚咽千年寄淮水。

大田道中

莆風清籟集卷二十五

十七

欲向金門去。那堪白髮分。登程家漸遠。回首日將曛。  
萬木鳴疎雨。千山隱暮雲。鉤輞何處響。偏送客愁聞。

淮陰懷古

日落淮陰渚。烟寒圯上橋。伊人俱寂寞。舊國總蕭條。  
絳灌名虛伍。喬松跡共遙。存亡千古事。猶自話漁樵。

乞休後

宦情元偃蹇。世路况艱虞。短杖惟三徑。扁舟自五湖。  
詞應裁棄婦。論可著潛夫。聞道東園竹。依然覆酒罍。

送姚巽卿入楚

楚鄉豈不遠。游子欲何之。啼鳥臨三戶。愁雲帶九疑。關山天際斷。時序旅中移。到日應搖落。能堪宋玉悲。

燕山懷古

薊門野望曠悠悠。感慨荆卿此舊遊。報主但能憑匕首。許身何用問刀頭。獻圖計拙秦庭遠。擊筑歌哀易水秋。壯士于今空已矣。寒風落日使人愁。

新寒

水上蒹葭玉露涼。西風蕭浙灑衣裳。日臨大野荒。白。山隔浮雲渺。蒼千戶寒砧。驚落葉百年短髻。恨繁霜。

首風清籟集卷二十五

莫言宋玉偏悲切。秋士由來意自傷。

送邱紹孝叅軍長沙

賈生才調世無倫。前席重承漢主詢。君到三湘秋雨冷。為予投賦吊靈均。

高世芳 一首

字養及號湛淵昂孫嘉靖戊午鄉薦授灌陽知

縣遷益府審理

送秦天友言事謫蜀

含香數載侍承明。一疏匆然萬里行。共道批鱗憂北闕。

翻成叱馭賦西征。天低劍閣雲隨馬。路入花溪錦作城。  
此去問風頻吊古。不堪聽罷竹枝聲。

黃懋化 一首

字象晉嘉靖中諸生有阮村集

訪友不遇

北風吹雁到寒沙。一別雲樓幾度花。家在翠微啼鳥處。  
滿山木葉映殘霞。

會 約 一首

字一守號芸石嘉靖中諸生有萍寄集

青風清籟集卷二十五

十九

秋夜迴文

悲傷獨處對花黃。過客無情幽恨長。籬北開蛩寒泣露。  
徑西鳴鶴瘦凝霜。離離樹拂斜煙碧。縷縷雲籠淡月涼。  
吹角數回驚夢短。帷褰靜裡夜茫茫。

周 晟 二首

字中甫號午亭鯤子嘉靖中諸生

溝西別業

芳園入流水。不數武陵溪。黃鸝巧避客。飛向別枝啼。  
縱飲山花共。行嗟野鶴知。晚雲閒未得。將雨過前溪。

林兆居 一首

字懋協富孫嘉靖中諸生有壺山集

秋夜五弟兆誥七弟兆瓊携尊過園林小酌有懷

黃端叔

二弟携壺至。清霄泛玉卮。踈林秋風冷。深谷月明遲。簾捲花初落。燈懸鳥數疑。有懷黃叔度。相見更何時。

青風清籟集卷二十五

二十

莆風清籟集卷二十六

太康 鄭志鯨弦齋

叅訂

吳縣 李章增敏成

里中後學鄭王臣慎人一字蘭陔輯選

惠安 曾恆德惟占 校閱

明 十九

游日益 二首

字宗謙嘉靖中布衣

蘭陔詩話宗謙曳裾王門使酒罵坐張幼于每以其罵為快殆彌止平之流亞歎屠赤水王

莆風清籟集卷二十六

百穀成推重之詩已散佚僅存二作

木生曲

嘉靖乙卯倭入寇莆中大肆荼毒四郊之外將

無噍類至壬戌城陷慘不可道御史林公潤疏

請蠲租發賑遺黎稍拯殘喘通判陳永者督編

戶口偽增民數以媚上人至立夢生望生未生

之虛名登之版籍遺民飲恨無所訴予卧病山

中聞之孤憤作此以紀時事云

烈火焚未熄黃雲愁極目東市嘆零丁西村恠誅戮崇

塼卒不完。萬馬城中牧。白骨亂如麻。啾。新鬼哭。梓澤  
盡。坵墟。臺史重。顰蹙。三。䟽。瀆。天。朝。春。風。生。槁。木。別。駕。揚  
軍。威。里。甲。供。兵。粟。儲。賦。以。為。常。任。意。亂。增。續。戶。丁。唯。寡  
妻。日。愁。拘。逐。有。夫。陣。中。亡。有。子。遺。在。腹。亡。者。名。未。除  
胎。者。復。上。牘。胥。魁。詭。我。名。未。生。年。十。六。朝。未。實。版。圖。暮  
來。派。錢。穀。終。歲。餉。官。兵。夫。家。遭。魚。肉。從。今。誓。不。供。其。奈  
多。鞭。朴。此。身。願。無。生。宛。轉。填。溝。壑。野。夫。聞。嘆。息。對。此。淚  
盈。掬。落。日。捨。空。靡。聊。作。未。生。曲。

嚴相公故居

甫風清籟集卷二十六

二

丞相門前半草萊。陰風蕭瑟思難裁。九原空灑龍陽淚。  
千古偏勞庾信哀。昔日綺羅看不見。今朝車馬為誰來。  
東門黃犬嗟遲暮。寂寞瀟湘雁自迴。

游士豪

四首

字宗振日益弟嘉靖中布衣

蕭陔詩話宗謙宗振兄弟俱有詩名足跡半天  
下嘗有詩云老憶弟兄馳遠道貧愁妻子畏還  
家適集不傳僅從徐典公律髓中錄得四首

送朱獻昌游留都

鼓刀未亥隱屠間。公子經過日解顏。身上敝裘衝雨雪。

馬頭明月度關山。鷺飛。二水寒流。白苔掩前朝。斷碣。回首舊遊。如夢裏。烟蘿無計可躋攀。

白容道中

客路勞。夢未閒。悲風吹斷戍樓間。雲生古嶂。收殘月。葉盡寒林。見遠山。搗練霜前。聞玉杵。思家。腰下。顧刀環。狐裘已敝。無人問。不待雞鳴。夜度關。

柯光垣自吳中携妾歸戲贈

新刺鴛鴦製合歡。漢宮却嘆掩齊紈。美人妙舞名飛燕。高士風流字伯鸞。明月夢曾遊洛浦。同心珮已紉湘蘭。

蒲風清籟集卷二十六

三

白頭莫遣文君恨。抱得瑤琴不忍彈。

塞下曲

風勁沙場萬馬奔。長驅虎旅若雲屯。近邊從此無烽火。大將何須守北門。日暮西山歸獵犬。月明古戍泣遊魂。千秋試掃燕然石。剝落莓苔幾字存。

方元浩

一首

字景孟。號水雲居士。正梁子嘉靖中布衣。

蘭咳詩話水雲有孝行。幼善病。遂棄舉子業。適情辭賦。與丁戌山人傳汝舟為忘年交。後侍父。趙府趙王枕易愛其才。符以殊禮。與謝榛鄭若庸顧聖少張書紳相唱和。如淮南然。鮑故革未。

幾扶父觀。錄卒于汶。上年纔二十有七。其詩丰神飄逸。音韻悠揚。固爲才也。

### 三臺懷古

魏武雄圖日。曾爲此地遊。三臺空古跡。一水枕寒流。風入雅聲亂。雲迷樹色愁。獨憐舊時月。猶照鄴城秋。

### 早秋書懷

平楚涼風動。長林急暮蟬。客愁秋色裏。鄉夢雨聲邊。一葉辭高樹。孤鴻下遠天。遙聞北征路。關塞又烽烟。

### 早行

殘鐘催去旆。孤跡嘆離羣。路轉前溪月。天開斷嶺雲。樓

### 昔風清籟集卷二十六

四

鳥聲欲動宿草色。初分曙角來何處。羈心不可開。

### 對雨書懷

懷歸日轉切。何意滯南征。懶對殘花色。愁聞細雨聲。秋城千杵急。夜館一燈明。寥落自無語。寒蛩傷客情。

### 登天寧寺塔

梵刹凌空迥。登臨動嘯歌。諸天寒磬落。萬井暮砧多。樹色連中嶽。風聲起大河。潛然望南國。何計偃干戈。

### 送林五表叔晚江還莆

山城三月足芳菲。送別長亭已夕暉。陌上歌隨人去遠。

天涯春與客同歸。征途風雨鷓聲劇。到日鄉園荔子肥。  
獨滯漳南歸未得。對君雙淚欲頻揮。

閨詞

排闥理紅妝。會情歌白苧。剗首望江南。寂。停機杼。  
楓葉舞天風。瓊階鳴促織。願隨孤雁飛。度燕山北。

方元淇 六首

字景武號浮麓正梁子嘉靖中布衣

蘭陵詩話浮麓為人短小精悍喜談兵事尺牘楷書有晉人風致新安汪伯玉開府閩中辟為記室後居咸南塘將軍幕中屢出奇計佐南塘平後亦豪士也其詩工近體

昔風清籟集卷二十六

五

送馬德馥為商城王傅

三年遼海上。垂組復朱門。客豈齊竽至。王應楚醴存。談  
經亦勲業。從獵暫褰鞞。雪滿鴻溝道。誰能賦兔園。

奉趙王殿下

君王騷雅古誰傳。絕代人稱子建流。授簡能傳鸚鵡賦。  
懷賢不惜鷓鴣裘。歌鐘夜醉三千客。舞袖春閒十二樓。  
回首西園雲樹渺。何時獻頌共應劉。

病中示茂椿

向來心事恨俱違。不為春寒獨掩扉。午夜關河偏有夢。

丁年裘馬未能歸。日看白髮知親健。時放清歌和客稀。  
汝亦平生憐我病。薄遊豈負老萊衣。

閨思

遠道多辛苦。卽遊未知倦。終歲十寄書。何如一見面。  
蟾子宵玉釵。燭花暗羅幕。不覺夜又分。淚盡漏聲落。

送謝明府之信宜

能賦偏高楚。調聲憐才不減孔。融名枕柳樹。下聞鸚鵡。  
猶憶疎狂禰正平。

林兆誥

五首

莆風清籟集卷二十六

六

字懋揚號曉江。富孫嘉靖中諸生。有青蓮集。

蘭陵詩話。曉江少負才華。與姚文燁。余翔結詩社。其妻陳蕙卿亦能詩。門內極唱酬之樂。嘗編莆中先輩詩。始洪武。訖嘉靖。共六十二家。為壺華。穎秀集。嘉靖壬戌。倭亂。曉江負母。縋城而走。倉卒中。盡棄珠玉。獨懷此書。以行。已而被執。賊見其負母袖書。義而釋之。子從。方有容家。見先生手錄草本。採其論詩數則。庶不沒先生之雅志云。

雜詩

涼氣臨疎籬。輕颺吹空林。白露肅羣木。素光忽西沉。仰聽鴻雁響。俯聆蟋蟀吟。人多離憂感。此思愈深。延佇發長嘆。清淚沾衣襟。

真州天寧寺秋感

不得南來信。重移北去舟。逢人惟有淚。聞雁即生愁。烟  
雨迷古寺。蒹葭帶遠洲。濯纓愛漁父。獨自弄清流。

寄陳言布衣

閩海陳陳搏作賦才。淹留南國老塵埃。涼風草闕開黃菊。  
秋雨衡門長綠苔。青鳥不從雲外至。孤舟空向夢中來。  
何時斗酒長松下。相對高歌坐碧臺。

經錢公臺

昔人此地築隆臺。錦幃雕闌護碧苔。花外祇今歌舞罷。  
春深蜂蝶數飛來。

莆風清籟集卷二十六

七

華清宮

宮闕幾。擁紫烟。夜深龍炬帶遙天。君王閒按霓裳譜。  
合得新聲不忍眠。

馬朝龍

四首

字從甫嘉靖中諸生

弇州別宗振

相對居然兩鶻冠。臨歧把酒不成歡。歸來劍水鱗鴻少。  
別去吳山道路難。共惜寒風吹短鬢。獨懸明月夢長干。

書中縱是平安語。少婦還應揜淚看。

歸途得鄭克鄰書

危城半是白雲廬。潮落西風兩岸虛。斜照漸移孤樹影。  
斷鴻忽報故人書。山中松菊歸何暮。郊外桑麻計亦疎。  
到日臨邛君莫問。祇因貧病老相如。

仙霞道中

迤邐古道繞羊腸。漠漠春陰接大荒。客路殘花寒食後。  
孤村流水小橋傍。天邊草色迷歸夢。樹裡鐘聲送夕陽。  
詞賦縱橫君莫問。馬卿多病復遊梁。

蒲風清籟集卷二十六

從軍行

遷地風霜易苦人。玉關榆柳不勝春。官家不為蒲萄種。  
漢卒何緣出塞頻。

黃柱一首

字崇攀號崑峰嘉靖中諸生

感懷

欲解真愁思。頻遊十畝間。柴門環白水。草閣對青山。飛  
鳥對雲去。樵童帶雨還。羅峰澗下響。似我淚潺湲。

姚文焯一首

字在質嘉靖甲子舉人官新寧知縣

蘭陔詩話在質作宰善決獄多惠政與順德令胡思泉友善新會令惡之俱為所構罷歸

賦歸

三年瘴海泛風沙歸去山中足歲華  
徑在漫栽陶令柳園荒湏種邵平瓜  
行藏清世思長在麋鹿豐林興自賒  
傳語皇華天上使逢春莫寄隴頭花

李廷春

一首

字仁孚號鳳原嘉靖甲子舉人官鹽城知縣

讀書樓

莆風清籟集卷二十六

九

巖居少轍迹獨愛竹林幽  
宇宙皆吾事文章盡此樓  
山青欲雨滴海碧接天流  
但覺牛毛細中宵讀未休

黃

議

一首

字時言謙弟嘉靖甲子鄉薦官蘓州通判

珠簾深

水光浮日散樓臺風捲珠簾霽色開  
當戶鳥啼人不見上鉤明月為誰來

柯植

一首

字立之號松臯維騏子嘉靖中諸生以子茂竹

封海陽知縣

遣興

潮本隣吾土。物情頗自宜。膾鮮魚切玉羹。細笋成絲溪。  
酒。春前熟。園橙霜外垂。山川多古跡。更欲盡探奇。

張學漸一首

字未詳嘉靖中諸生

九鯉湖

蒼苔踏破入蓬萊。琪州瑤花次第開。秋水連天明月夜。  
一聲山外鶴初來。

昔風清籟集卷二十六

十

01923

